

مصطفى محمود



لِلْإِنْسَانِ وَالْغُيُوبِ

مَسْرُوحِيَّةٌ مِنْ فَصِيلَيْنِ



دارالمعارف

0201823



مكتبة الإسكندرية

Bibliotheca Alexandrina

89

الإنسان والظِل

مَسْرُوحِيَّةٌ مِنْ فَصِيلَيْنِ

مصطفى محمود

الإنسان والظل

مُسرَّحِيَّةٌ مِنْ فَصِيلَيْنِ

الطبعة الثانية .


BIBLIOTHECA ALEXANDRINA
مكتبة الإسكندرية



دار المعارف

شخصيات المسرحية

رحمى سعودى : قاضٍ - ٥٠ سنة.
كوثر : زوجته - ٣٥ سنة.
توفيق : مُحَامٍ - ابن عم كوثر.
أم رحمى : والدة القاضى.
فضل الشرقاوى : مُتهم حُكم عليه بالإعدام.
حاجب المحكمة
بوسطجى

- متهمون آخرون حُكم عليهم بالإعدام فى أحكام سابقة وُسُنقوا

برولوج

الوقت: نهراً

المنظر

منصة القاضي فيها المستشار رحى سعودى إلى جانبه عضوان:
عضو يمين، وعضو يسار، بينما تفتح الستار يلقي النور الكاشف على
وجه المستشار رحى ونراه يقوم ليلقى بالحكم.

رحى : باسم الأمة: حكمت المحكمة على المتهم فضل
الشرقاوى حضورياً. بالإعدام.
[ضجيج يشمل القاعة عند سماع كلمة «حضورياً» ويفرق
صوت القاضي]

صوت امرأة: برىء ياسعادة البيه.. برىء.. برىء..
صوت الشرقاوى: لا.. أنا قتلت.. قتلت بإيديا دول.. ولو شفته قدامى
حاقتله تانى [يصرخ] فين هوه وأنا أقتله تانى.. فين هوه
وأنا أقتله تانى...

[ظلام تدريجى على المسرح واختفاء تدريجى للصوت حتى يختفى
المنظر تماماً]

الفصل الأول

الوقت : مساءً

[تزاح الستار للمنظر الثاني في بيت القاضي رحي.. غرفة مكتب ستيل واسعة أنيقة.. مكتب كبير منقوش بالأوئمة طراز قديم وكتب على رفوف بالجدران.. ساعة حائط وستارة على النافذة عدد من الكراسى الجلدية.. صورة لرحمى في روب القضاء والوشاح الأخضر ذى الهلال والنجوم.. باب الغرفة مفتوح ونرى من خلاله بوضوح أم رحي تصلى على سجادة فى الغرفة الأخرى.. زهريات ورد كبيرة فى كل مكان.

كوثر تقطع الغرفة ذهابًا وإيابًا فى عصبية.. ثم تتوقف لتلتفت حولها.. تضع يدها على أذنيها.. ثم تعود لتذرع الغرفة فى عصبية.. يبدو أنها فى أزمة.

نرى الأم تطوى السجادة ونسمع كلمة]

: يارب.

الأم

[الأم تدخل من الباب.. كوثر تلقى بنفسها بين ذراعيها]

: [هاتفة]: أنا مش قادرة استحمل أكثر من كده.. مش قادرة.

كوثر

الأم : يابنتي الصبر طيب.
كوثر : أنا مش عارفه جرى له إيه.. مش ده رحى.. رحى الى متجوزاه من ٣٠ سنة.. رحى اتغير.

الأم : يابنتى دى وسوسة شيطان.
كوثر : تصورى إنه كان حايقتلنى.. رحى.. العاقل الهادى الى عمره ما رفع صوته عليه.

الأم : يمكن كان تعبان من الشغل.. وأنت عارفه أنه بيسهر
للفجر يقرأ القضايا سطر سطر.. وحرف حرف.

كوثر : طول عمره بيشغل ويسهر.. عمره ما اشتكى ولا فقد أعصابه.. إيه الى غير حاله؟ حانقول بيشرب.. عمره ما حط الخمرة فى بقه.. حتى السجاير ما بيدقهاش.
الأم : ولاد الحرام كثير يا بنتى.

كوثر : وحايجولو منين؟ وحايشوفوه فين؟ ده مالوش طريق غير شغله.. من البيت للمحكمة ومن المحكمة للبيت.

الأم : يمكن فيه حاجة تعباه.. يمكن فيه فى قلبه حاجة.

كوثر : ياريت يفتح لى قلبه.. ياريت يشتكى لى.. كام مرة اتمنيت أنه يقعد جنبى يكلمنى من غير تكليف يحكى لى متاعبه يكاشفنى بعواطفه.. لكن أبداً.. العمر الى عشناه كان كله تكليف.. ورسميات.. كان دائماً القاضى الوقور المتحفظ.. حتى فى بيته أنا عمرى ما عرفته.. أنا مراته عمرى ما عرفته.

الأم
كوثر

:أنا أمه وعارفاه.. رحى طيب وغلبان.
:عمرى ما حسيت انه طيب.. اسألى أى حاجب فى
المحكمة يقولك إنه بيحكم من غير رحمة.. مافيش متهم
وقع بين إيديه ماخدش إعدام أو أشغال شاقة.. دايمًا
بيحكم بأقصى العقوبة.. أقصى العقوبة.. وفى البيت
معايا ومعاكى ومع الخدامين ما عندوش قلب.. كل شىء
عنده بالعقل والمنطق.. حياته مواد.. ولوايح.. وقوانين
[تصرخ] لكن احنا بشر بشر بشر!

الأم
كوثر

:يا بنتى أنت جرى لك إيه؟
:[تنهار باكية]: أنا مش عارفة أنا جرى لى إيه.. أنا
باخاف منه.. باخاف أبص فى عينيه بيتهيالى أنه
حايقتلنى.. تصورى إنه بيشك فيه أنا مراته من ٢٠
سنة.. بيشك فيه.

[نرى توفيق داخلا.. شاب أنيق وسيم - محامى ابن عمر كوثر
وصديق الزوج]

الأم

:تعال يا بنى شوف بنت عمك جرى لها إيه.. أنا مش
فاهمة إيه حكايتها.

[الأم تخرج.. توفيق مقبلا على كوثر المنهارة على الكرسي]

توفيق
كوثر

:إيه يا كوثر مالك؟
:[مازالت تبكى]: مش عارفة يا توفيق.. حاسة إني مش
عاشة.. أعصابى بتنهار يوم بعد يوم أنا باتخنق فى البيت
ده.. بتخنق.

توفيق :إيه الكلام ده؟! انتِ اتجننتي؟! دلوقتي عرفت ليه
بتشتكى من معاملة رحى الى اتغيرت.. دلوقت عرفت
مين الى اتغير.

كوثر :مين الى اتغير؟

توفيق :انت الى اتغيرتى يا كوثر.. انت الى جننتى جوزك
وخليتيه يخرج عن صوابه.

كوثر :ياريتنى أقدر أخليه يخرج عن صوابه.. دنا عمرى ما
قدرت أثر فيه.. عمرى ما قدرت أحرك قلبه.. كان دائماً
العاقل الكامل الجامد الشعور الى ما فيش حاجة تهزه..
كام مرة اتمنيت أنه يغلط عشان أسامحه.. يضعف عشان
أقف جانبه.. أحس مرة أنه بنى آدم وأنه له قلب
وعواطف.

توفيق :صبحى هى دى طبيعة رحى طول عمره.. وهو طالب فى
الحقوق.. وهو فى النيابة.. وهو فى القضاء: كان دائماً
الإنسان العاقل الساكت الى ما يتكلمش إلا بحساب..
كان لما يسمعنا نحكى على مغامراتنا العاطفية يضحك
ويقول عواطف إيه الى بتتكلموا عنها.. وخليتوا إيه
للشعراء.. رجال القانون لازم يبقوا أهل منطق وعقل
مش أهل عواطف، لكن فى النهاية رحى اتجوزك.. فى
النهاية حب زى كل الناس.

كوثر :[فى ألم]: حب: [تنظر إلى توفيق فى حيرة] تفتكر رحى

بيحبني.. رحى لما اتجوزنى كنت بالنسبة له زيك تمام..
مجرد زميل.

: لا يا كوثر.

توفيق

: رحى اتجوزنى لأن الجواز عادة حميدة بيأمر بها العقل
والمنطق.. اتجوزنى لأن كل راجل محترم فى مجتمعنا
بيتجوز.

كوثر

: ده كلام روايات.. أنا مش عارف أنت عاوزه إيه.. مرة
بتشتكى من جوزك لأنه عصبى.. ومرة بتشتكى منه لأنه
بارد مافيش حاجة بتحركه.. أنا مش فاهم.

توفيق

: [تمسح دموعها فى كبرياء]: أنت مش فاهم أى حاجة.. أنت
زى كل الرجالة بتنظر للمست على أنها حنة موبيليا..
وتنكر عليها حقها أنها تتكلم.. تتألم.. تشتكى..
[موسيقى] لو كنت عشت سنة «وحيد» زى كنت
عرفت إيه معنى أنك تبقى عايز تتكلم.. ونفسك تلاقى
حد تكلمه.. ومش لاقى حد تكلمه.

كوثر

: [مقبلا عليها فى إشفاق ممسكا بيدها فى رفق]:

توفيق

كوثر.. أنا ماقصدتش أجرحك.

: [تبتسم من خلال دموعها]: واحنا صغيرين لما كنا بنلعب فى
الجنية.. كل الأحبة اتنين اتنين.. كنت ساعات متلاقيش
حد يلعب معاك.. وكنت تقعد تعيط تحت تكعيبه العنبر..
فاكر؟

كوثر

- توفيق : [مبتسماً]: أيوه فاكر.
- كوثر : [سرحانة من خلال دموعها]: وفاكر شعورك وأنت قاعد لوحذك.. وكل ولد معاه بنت تلعب معاه.
- توفيق : كنت باحس إني زى اليتيم.
- كوثر : أنا عشت شبابي يتيمة.. زيك وأنت قاعد تعيط تحت التكميبة.. كنت باقضى الليل سهرانة لوحدي في أودتي وهو سهران مع الدوسيهاات والقضايا.. عمره ما فكر أنه يبص لي حتى على أني قضية مركونة منسية.. أي مجرم قتال قتلى كان بيثير اهتمامه أكثر مني.. كان بيعيش يفكر فيه ليالي.. كنت باسأل نفسي دائماً: إيه سر الجفاف الشديد في طبعه؟ إيه السر؟! أنت صاحبه يا توفيق.. أنت لازم تعرف عنه أكثر مني.
- توفيق : أنا في الحقيقة عمرى ما قدرت أفهمه.
- كوثر : أنت اللى بتقول الكلام ده.. أنت اللى عاشرته أكثر من «أخوه» وفتحت له قلبك وفتح لك قلبه.
- توفيق : رحمى عمره ما فتح قلبه لحد.
- كوثر : وده يبقى إنسان طبيعى؟
- توفيق : مش عارف أقول لك إيه [مترددًا.. يفكر] مش عارف..
- يمكن يكون عيان.
- كوثر : أنا برده ساعات باقول إنه عيان.. لكن عيان بإيه؟
- ممكن الإنسان يبقى مصاب بعاهة في الشعور؟ يبقى

عاجز عن الحب زى الأعمى العاجز عن البصر.. يبقى
مولود من غير قلب.

توفيق : لا.. أنا قصدى عيان.. عيان.. أنا شفته النهاردة داخل
عيادة دكتور.

كوثر : هو طول عمره بيجرى ورا الدكاترة.. والنهاردة صبح
يسأل على دكتور عشان يعالج صباغه.. هو عايش فى
الخوف.. خايف من المرض وهو عمره ما رقد بمرض.
وخايف من الفقر وهو عمره ما شاف الفقر.. ساعات
بيتهيا لى أنه اتجوزنى من خوفه.. من خوفه ليُموت
وحيد.

توفيق : كوثر، ما تظلميش رهمى للدرجة دى.. رهمى بيتعذب.

كوثر : بيتعذب؟! أنت بتقول بيتعذب؟!

توفيق : لو كان زى ما بتقولى من غير قلب كان ارتاح.. الى
بيفقد الشعور والقلب بيرتاح.

كوثر : مش قادرة أفهم.

توفيق : أنا باحس دايماً أنه بيتعذب.. لكن مش قادر أوصل
للسبب.. كل ما أقرب له أحس أنه بيتعد عنى وبيخش
جوه نفسه.. وكل يوم بيخش جوا نفسه أكثر.

كوثر : وأنا يا توفيق.. حاولت تحس بى مرة.. حاولت تعرف قد
إيه أنا باتعذب.

توفيق : كوثر.

كوثر : وأنا ايديا ممدودة بالحب والحنان والرحمة ومفيش إيد بتمتد لى.. وأنا بادق على باب مقفول.. وبكلم واحد مش بيسمع.

توفيق : رهمى بيسمع.. رهمى بيسمع.
كوثر : بيسمع وبيشوف.. وبيحس.. أمال ليه مايقدرش يحس بيه؟

توفيق : بيتها لى كل واحد فيكم بيتكلم لغة مختلفة عن التانى.
كوثر : نفسى تعرف لغته عشان تفهمها لى.
[صوت رهمى يرتفع عاليًا خشناً من خارج المسرح]

رهمى : أنا قلت مش عاوز ورد.. مش عاوز ورد.. ريحة الورد بتخنقنى.. بتخنقنى.
[كوثر تفيق على صوت زوجها.. وتتبدل سحتها ويبدو عليها الغم]

كوثر : رهمى جه [وما تلبث أن تخرج مسرعة].
رهمى : فى كل حنة ورد.. ورد.. أنا بتخنق.
[صوت من الخارج.. يدخل رهمى يده مربوطة برباط شاش]

رهمى : أهلا توفيق.. أنا اتأخرت عليك.. معلش.. أصل عديت على الدكتور.

توفيق : إيه؟ مال إيدك.. إيه اللى جرحها؟
رهمى : لو حكيت لك مش حاتصدق.. وحاتقول على مجنون.

- توفيق
رحمى
: [ضاحكا]: أهى دى الى عمرى ما حقولها أبدا.
لكن هى دى الحقيقة [يتهاكك متعبًا مكدودًا ثم يقوم ويذهب
ويجىء فى قلق ثم يتلفت حوله قائلا فى رجفة]
: اهوا ده جاى منين.. فيه تيار هوا.. يا ساتر.. أنا بردان !
توفيق
: بردان منين بس.. ده احنا فى عز الحر.. والشبابيك
مقفلة.. ومفيش نسمة هوا.
: [رحمى يتلفت حوله ليتأكد من أن الشبابيك مقفلة فعلا ثم يغمغم]
رحمى
: كده.. طيب.. أنا حبيت أتأكد بس.. أصل أنت عارف
الروماتزم لما بيتمكن من المفاصل.. يلا السلامة.
[تدخل كوثر حاملة صينية عليها شاي وساندوتشات يتطلع إليها
رحمى مرتابا]
رحمى
: اوعى تكونى حطيتى لى سكر [يخرج علبة من جيبه] هاتى
وأنا أحط بنفسى.
[يأخذ فنجاناه ويضع فيه فتفوتة سكرين]
توفيق
رحمى
: إيه الى بتحطه؟
: سكرين.. احنا دلوقتى فى السن الحرجة.. والإسراف فى
النشويات يجيب لنا السكر والوقاية خير من العلاج.
توفيق
: أعوذ بالله.. والله يا أخى أنا عندى أعيا بالسكر ولا أنى
أعيش طول عمرى آخذ وقاية منه.. حطى لى يا أختى
تلات حنت.. حطى.. روماتزم إيه وسكر إيه.. أنت بخير
والحمد لله وصحتك كويسة إيه لازمة الخوف.. دى

- العيشة في الخوف كده الموت أرحم منها.
- رحمى :الموت.. [ينظر إليه نظرة غريبة] وهو فين الموت ؟
توفيق :الى أنت فيه هو الموت.
- كوثر :[تسحب كرسيًا وتجلس] وأشنع من الموت.. الموت على الأقل راحة وإنما العيشة في العذاب كده جحيم.
- رحمى :[مازال ينظر نظرات غريبة]: جحيم فعلا.. هي جحيم.. مين يعرف ؟ يمكن أنا عملت حاجة أستحق عليها الجحيم.
توفيق :إيه التخريف ده ؟
- رحمى :أمال يعنى الناس بيتخطوا في الجحيم من غير سبب ؟
توفيق :الناس هما اللي بيخطوا أنفسهم في الجحيم بسوء تصرفهم.. وأنت حكمت على نفسك بالجحيم بوسوستك وخوفك ورعبك من كل حاجة.
- رحمى :[يصفق]: مرافعة عظيمة يا أستاذ توفيق.. رائع.. براءة.. إفراج يخرج رحمى من الجحيم.. يفرج عنه حالا [يبتسم وينظر إليها نظرات غريبة] ياريت الدنيا سهلة كده زى ما هيه سهلة في المحاكم.. ياريت ألاقى المحامى اللي يطلعنى براءة ويفرج عنى [ينظر إليه متوسلا] عندكش محامى كويس ياخذ اللي ياخذه بس يترافع عنى بذمة ويطلعنى من الغلب اللي أنا فيه.
- توفيق :[ضاحكًا]: حتطلع تروح فين يا رحمى.

: [في يأس]: فعلاً.. حاطلع أروح فين؟ حروح من نفسى
 فين.. واطلع منها ازاي.. اشرب يا توفيق [يناوله فنجانه..
 يتلفت حوله في حيرة] ساعات بيتها لى أن كل ده مش
 حقيقى.. أنا وأنت وكباية الشاى وطعم السكر وابتسامة
 كوثر ومرارة العلقم الى جوه قلوبنا والضحك والدموع
 كل ده مش حقيقى.. حاجة زى حفلة تنكرية بروفة ورا
 الكواليس خيالات بعد كاسين وسكى.. كابوس بعد
 أكلة ثقيلة.. تصاوير زى الى بنشوفها فى كتب الأطفال
 [يسرح لحظة].. ساعات بفكر.

رحمى

[يصمت طويلاً في حيرة ولا يتم جملة]

: [في فضول]: بتفكر فى إيه؟
 [بإشاحة من يده]: لا مفيش فايدة لا حتفهمنى
 ولا حافهمك.

توفيق

رحمى

: [يستحثة]: أبداً.. تأكد أنى حافهمك.
 : هو خبر غريب.. يمكن ما تصدقش.. أنت فاكـ
 الشرقاوى؟

توفيق

رحمى

: [محاوياً أن يتذكر]: القضية الى حكمت فيها بالإعدام على
 فضل الشرقاوى.. أيوه فاكـها.

توفيق

: [يلقى بقبلته]: فضل الشرقاوى لسه عايش.

رحمى

: [يقفز من كرسيه]: فضل الشرقاوى الى اتشنى من كام
 سنة.. عايش؟! أنت بتقول إيه؟!!

توفيق

- رحمى : باقول إنه عايش.
- توفيق : قصدك عايش فى خيالك؟! أو فى..
- رحمى : عايش فى الدنيا.
- توفيق : إيه الكلام ده.. أنت حاتجننى؟
- رحمى : أنا باقولك على الحقيقة.
- توفيق : وقلت للدكتور على الكلام ده.
- رحمى : لأ طبعاً..
- توفيق : [ينظر إليه فى إشفاق] : رحمى.. أنت لازم تاخذ اجازة من الشغل وتستريح.. أنا عارف أن قضية السفاح بشندى طولت وتعبتك.. وتعبتنا احنا كمان.. والمرافعات مش حاتخلص والملف الى كان صفحتين بقى ألف صفحة.. وأنت بترهق نفسك.
- رحمى : أنت عايز تقول إن عندى «انهيار عصبى»؟
- توفيق : [فى يأس] : على كيفك أنت حر.. أنا مش معقول حا انصحك وأنت أكبر منى وأدرى بنفسك.
- رحمى : مش قولتلك مش حاتفهمنى.. [يشيح بيده] عالعموم ما تزعلش.. اعتبر الكلام الى قلته نكتة.
- توفيق : نكتة.. [ينظر إليه فى دهشة]
- رحمى : أنكنت مرة من نفسى يا أخى.. طول عمرى مانكتش ولا نكتة..

توفيق : [مازال ينظر إليه في عجب] : لكن دى تبقى نكتة غريبة قوى.

رحمى : يعنى مش ساعات بتشوف نفسك فى الحلم جرادة.. وتبقى مندهش جدا إزاي أنت جرادة بتاكل ورق شجر.. وتبقى زعلان ومش مصدق.

توفيق : والآخر بصحى.. بلاقى نفسى إنسان مش جرادة زى ما أنت شايف.

رحمى : [ضاحكًا] : وإيش عرفك إنك إنسان دلوقت.. مش جازي أنت جرادة بتحلم أنها إنسان وأنتك حاتصحى كمان شوية تلاقى نفسك جرادة.

توفيق : [يشد شعره] : لا أنت النهاردة حاتجننى.. إيه رأيك فى الكلام ده يا كوثر؟

كوثر : أنا مش فاهمة حاجة.

رحمى : أحسن.

توفيق : رحمى..

رحمى : آمال لو حكيت لكو على الحكاية الثانية اللى حصلت لى حاتعملوا إيه؟

كوثر وتوفيق : حكاية إيه كمان؟

رحمى : حكاية الجرح اللى فى إيدى وسبيه.

توفيق : أيوه صحيح أنت ما حكيت لناش على الجرح اللى فى إيدك.



رحمى	:لو قلت لكو برده مش حاتصدقوا.
توفيق	:يا سيدى حانصدق.. بس قول لنا.
كوثر	:أطلع بره عشان تتكلموا على راحتكم.
رحمى	:ليه بقى.. هو أنا تعورت فى كباريه؟
توفيق	:أمال إيه يا أخى حيرتنا!!
رحمى	:[يقوم من كرسية ليذرع الغرفة فى شرود]: أبداً.. ولا حاجة.. أصلى اتعورت فى الحلم.
توفيق	:فى الحلم؟
رحمى	:أيوه فى الحلم.. واحد ضربنى بسكينة فى الحلم.. صحيت لقيت إيدى مقطوعة والدم نازل منها. [كوثر تنظر إلى توفيق نظرات ذات معنى]
توفيق	:رحمى.. أنت حاترجع للنكت تانى.
رحمى	:مش قلت لكو أنكو مش حاتصدقوا.
توفيق	:رحمى.. أنت لازم تحكى لنا بالضبط إيه الحكاية.. أنت مش طبيعى اليومين دول ولازم فيه حاجة مخبىها علينا.. ولازم تقول لنا عليها. [رحمى ينظر إليهما.. يبدو عليه الارتباك ولا يتكلم]
توفيق	:رحمى.
رحمى	:[فى ارتباك]: أصل ما فيش فائدة.. مافيش حد فينا حاي فهم التانى.
توفيق	:ماهو مش معقول كمان تضحك علينا بالكلام الفارغ

بتاع الأحلام ده.. ده كلام ما يخشش عقل.

:عقل؟! عقل مين؟!

رحمى

:العقل المنطقى الحصيف اللى بيصوغ العدالة ويورينا الحقيقة فى المحكمة كل يوم.

توفيق

: [ساخرًا]: حقيقة إيه.. وعدالة إيه.. احنا حانغنى على بعض.. هو فيه حاجة فى الدنيا دى اسمها عدالة.. ولا حقيقة؟

رحمى

:رحمى.

توفيق

:بذمتك فيه فى الدنيا عدالة؟! القاتل الذكى اللى بيقتل عينى عينك فى حروب النهب والعدوان حد بيقول له تلت التلاتة كام.. مش بياخذ نشان وترقية على جريمته.. ويقولوا عنه البطل اللى دافع عن الديموقراطية والحرية وحرر الشعب من نير العبودية الخ.. الخ.. ما هو كل واحد حايلاقى له شعار وكلام يقوله، ومدام معاه أوامر وورقة ممضية حايقدر يعمل أى حاجة.. يقتل يسرق ينهب.. يسجن.. يعنى السفاح بشندى اللى احنا سجنناه بأوراق وأحكام وحيثيات يعنى أنت متأكد أنه مجرم.. ولما أنت متأكد أنه مجرم صحيح.. كنت بتدافع عنه ليه وتطلب له براءة.

رحمى

:عشان يبقى عنده فرصة يقول كل حاجة.

توفيق

:عمره ما كان عنده فرصة يقول أى حاجة.. أنت اللى

رحمى

كنت بتتكلم طول الوقت وهو مسلسل فى القفص.

توفيق

: [يسكت مأخوذاً: لحظة صمت ثم يقول بارتياح]:

وحا تنظر قضية بشندى.. بالطريقة دى من يوم ورايح.

رحمى

: ومين قال لك إنى حانظر قضايا.. أنا خلاص طلبت

إحالتى على المعاش وتسوية مرتبى.

[توفيق وكوثر يصيحان فى وقت واحد]

توفيق

: رحمى!

كوثر

: رحمى أنت بتقول إيه؟

رحمى

: أنا تعبت.. الفاعل اللى بيشيل الطوب على دماغه

بيجيلوا ساعة بينهد وينام وأنا اتهديت.. عقلى اتهد.. أنا

مش فاهم حاجة.

توفيق

: [فى حيرة]: مش معقول.. مش قادر أصدق أن اللى بيقول

الكلام ده هو اللى حكم بالإعدام والأحكام القصوى

بالسجن والأشغال الشاقة على المئات.. هو.. المستشار

رحمى اللى بيرعب أعنى المجرمين.

رحمى

: كان زمان.. دلوقت المستشار الرهيب أقل شىء يرعبه..

ضله على الحيط يرعبه.. دقائق قلبه ترعبه.. كلمة الحق

ترعبه.

توفيق

: كلمة الحق؟

رحمى

: مفيش شىء يخوف قد كلمة الحق.. يمكن لو فكرت فى

كلمة الحق دلوقت تموت نفسك.. يمكن تنتحر.

توفيق : أنا طول عمرى بافكر فى كلمة الحق.. ده عملى..
حرفتى.

رحمى : الحق مش ممكن الواحد يحترفه.. ده له اسم تانى اللى
أنت بتحترفه.. اسمه الباطل.

توفيق : لا.. ده أنت فعلا تعبان.. تعبان أوى.

رحمى : الحق زى الشمس الواحد ما يقدرش يبص فيه.. ولو
بص فيه بيعمى.. هتلى الجبار لما بص لوجهه الحقيقى فى
اللحظة الأخيرة ضرب نفسه بالرصاص.. ماقدرش
يبص مرة ثانية.. مقدرش يواجه الحقيقة.

توفيق : وأنت شفت الحقيقة.

رحمى : أنا إنسان كليل البصر.. أنا شخت.. عجزت.. أنا دلوقتى
فى المنفى.

توفيق : أنت اللى بتنفى نفسك بنفسك.

رحمى : [يرفع بصره وينظر إلى توفيق وكوثر ولا يجيب.. لحظة صمت]:
حا أقول لك إيه عمرك ما حاتقدر تفهمنى.

كوثر : أنت تعبان يا رحمى.. أنت لازم تاخذ أجازة زى ما
بيقول توفيق.. بلاش المعاش وخذ اجازة.. العقل له
حدود احتمال وانت تعبت نفسك كتير.

رحمى : [يضحك ضحكة خافتة]: قصدك أنى اتجننت.. جازى.. مين
يعرف.. أنا عاذرك.. أنا كمان شايف أنك اتجننت وشايف
الدنيا كلها جنان فى جنان.

توفيق : يا رهمى اسمع الكلام.. أنت لازم تستريح.. أنا حا أكلملك واحد دكتور صاحبى كويس فى الأعصاب.

رهمى : أشكرك.. عارفه.. رحت له.

توفيق : رحت له؟

رهمى : لقيته مجنون زى وزيك.

كوثر : [تنظر فى ساعتها]: رهمى.. أنت سهرت النهاردة أكثر من

اللازم وضرورى تستريح.

توفيق : صحيح كفاية سهر النهاردة عشان أنت تعبان [يقوم متهيثا للخروج] أنا ماشى بقى.

رهمى : إيه مستعجل ليه؟ رايح فىن؟

توفيق : معلىش عشان تستريح شوية.. حافوت عليك بكرة.. أول ما أخلص من الشغل.

[رهمى ينظر إليه فى شرود.. وتوفيق يخرج وهو محزون مهموم مبلىل الذهن.. ويودعه الاثنان حتى الباب.. رهمى مازال ينظر أمامه فى شرود.. كوثر تنظر إليه فى خوف.. رهمى يتمشى فى الغرفة وهو سارح].

كوثر : [مازالت تنظر إليه بخوف]: أجيب لك كباية لبن دافى.. أنت ما اتعشتش.

رهمى : طيب.

[تخرج كوثر ويجلس رهمى على المكتب ويفتح دوسيتها به مئاة الصفحات ويضىء لمبة المكتب.. ويطفىء النور الكبير.. وينهمك فى

- القراءة.. ثم تدخل كوثر ويدها كوب اللبن الدافئ]
- كوثر : أنت حاترجع تاني للدوسيهات دى.. مش قلنا حاتستريح النهاردة؟
- رحمى : التعب هو دوايا.. هو المسكّن اللى باخده كل يوم عشان أنسى.
- كوثر : تنسى؟! تنسى إيه؟
- رحمى : أنسى نفسى.. لما باستريح كل حواسى بتصحى.. وأشوف كل شىء بوضوح مؤلم رهيب.
- كوثر : يا رحمى أنت حاثقوت نفسك بالأفكار دى.
- رحمى : هو فين الموت؟ الواحد يلاقيه فين؟! ياريت الواحد يقدر يموت زى ما بيطفى لمبة المكتب كده.
- [يضغط على زر لمبة المكتب فتتطفى ويسود الظلام تماما فى الغرفة.. تصرخ كوثر مذعورة] شوفى الضلمة جميلة إزاي.. أهو الموت جميل كده.
- كوثر : رحمى.. عملت كده ليه.. طفيت النور ليه؟
- رحمى : [فى الظلام]: إيه مالك خايفة كده؟! هى دى أول مرة نقعد لوحدنا فى الضلمة.. أنت نسيتى إن احنا متجوزين بقالنا عشرين سنة وكل ليلة بننام لوحدنا فى الضلمة.
- كوثر : أنا مش خايفة من الضلمة.. أنا خايفة منك.
- رحمى : خايفة منى؟! فيه واحدة تخاف من جوزها اللى معاشراه وعارفاه؟

- كوثر : احنا عمرنا ما عرفنا بعض يا رحى.
- رحى : صحيح.. صدقت في الكلمة دى.. احنا ساكنين مع بعض بس.
- كوثر : [تصرخ]: ولع النور يا رحى أرجوك.
- رحى : وإيه لازمته؟
[صوت خطوات]
- كوثر : [في رعب]: رحى!
- رحى : شوفي الضلعة جميلة إزاي.. مافيهاش ولا كذبة واحدة..
لو كان الواحد يقدر يمسخ حياته زى ما بيمسح
الأضواء الكذابة دى كانت بقت حاجة جميلة.. لو كنت
أقدر أمسح صورته من قلبك.
- كوثر : هو مين؟
- رحى : اللى بتحبيه.
[صوت خطواته وهو مقبل عليها في الظلام]
- كوثر : [تصرخ]: رحى..
- [يشعل رحى النور الكبير.. ويكون في تلك اللحظة واقفاً بجوار الباب].
- كوثر : رحى.. أرجوك.. أنا عملت إيه عشان تعذبني العذاب ده
كله وتعذب نفسك معايا.. لأمتى حاتستمر في الجنون ده
[تبكى].
- رحى : لغاية ما نموت.

كوثر : أنت عاوز منى إيه.. بتعمل فيه كده ليه .. أنت بتعاقبنى..
أنا عملت فيك حاجة؟!

رحمى : حياتنا كلها كذب فى كذب.. فيه جريمة أكبر من كده..
خيانتك لى كل يوم.

كوثر : [تصرخ]: أنت مجنون.. خنتك امتى.. ومع مين.. أنت
بتحلم!

رحمى : وأنت بتحلمى كمان.. حلم اليقظة الطويل الجميل بين
أحضانه.

كوثر : أنت مجنون.. أنا مش ممكن أقعد معاك لحظة واحدة.. أنا
طهقت خليك.. اتجنن لوحديك.. أنا سايبالك الدنيا.
[تهرول خارجة وتصفق الباب وهو واقف فى مكانه لا يتحرك..
وينظر إلى الفراغ فى شرود.. يمشى ببطء ثم يتهالك على المكتب..
يطفىء النور الكبير ويضىء لمبة مكتب صغيرة نورها خافت مظل
الغرفة تغرق فى إضاءة خافتة.. يضع رأسه بين كفيه].

[موسيقى تأثيرية تزداد شدة وعنفا لحظة بعد أخرى تنشق أرض
غرفة المكتب لتخرج منها هيئة محكمة كاملة من ثلاثة قضاة على
منصة.. وممثل اتهام.. ومحام وحاجب.. وقفص اتهام.. قفص الاتهام
ليس به أحد.. ونلاحظ أن كوثر هى التى تلبس ثوب ممثل الاتهام..
وأن توفيق هو المحامى.. كما نلاحظ أن القضاة الثلاثة والحاجب
يلبسون ملابس المساجين وفى أيديهم وأرجلهم سلاسل، وعلى رأس
كل واحد لبدة وشمرة نحاس والقضاة يلبسون وشاح القضاء الأخضر

ذا النجوم فوق هذا الزى.. إضاءة شديدة على المنصة والقفص..
وعلى ممثل الاتهام والمحامي.. طول الوقت رحى يخفى رأسه بين
كفيه.. ولا يبدى حركة تدل على أنه يفطن إلى ما يجرى.. الموسيقى
تزداد عنفاً ثم تسكت فجأة ليعلو عليها صوت الحاجب منادياً
المتهم].

الحاجب :[ينادى]: رحى محمد سعودى.. [يعود فيكرر الاسم بصوت
مرتفع كالصراخ] المتهم رحى محمد سعودى.

رحى :[يجاب وهو مازال يخفى رأسه بين كفيه]:
أيوه أنا هه.

[يرفع رأسه.. ولا يبدى اندهاشاً.. وكأنه يعرف ما يجرى.. وكأنها
ليست أول محكمة يحضرها.. ويقوم متهاكماً ويدخل قفص الاتهام..
صوت غلوشة وهمهمة]

القاضى :[يدق المنضدة بالشاكوش الخشبى] سكوت من فضلكم.
[ممثل الاتهام يقف ملوحاً بيده]

كوثر :[فى زى ممثل الاتهام]: هذا المتهم يا حضرات المستشارين..
هذا الرجل الذى يقف أمامكم فى استكانة وذلة وكأنه
ملاك برىء هو مجرم أثيم مخضب اليدين بالدم.. قاتل
سفاح قتل عمداً مع سبق الإصرار والترصد أعضاء هذه
الهيئة الموقرة.. ففى صبيحة الأحد ١٥ مارس سنة
١٩٤٧ أصدر حكماً بالإعدام شنعاً على سيادة فضل
الشرقاوى الذى يتصدر هذه المنصة.. وفى صبيحة

الثلاثاء ٢٠ أكتوبر سنة ١٩٤٨ أصدر حكماً بالإعدام
على محمد قناوى ومحمود قناوى وسالم قناوى وسليم
قناوى..

[يشاور بيده على الضحايا واحداً واحداً حيث يحتلون مقاعدهم من
المحكمة].

هذا عدا أحد عشر حكماً آخر بالإعدام تأجل النظر
فيها لحين حضور المحكوم عليهم.. ستة عشر روحاً من
البشر أزهدتها هذا الرجل شتقاً دون أن يختلج له جفن..
كل روح لم تكن تعنى عنده أكثر من توقيع على دفتر..
وفعل ما هو أبشع من هذا كله.. وأبشع مما يفعله أى
قاتل محترف.. كان يزهد أرواح ضحاياها وهو مزهو
فخور معتد وكأنه يقدم خدمة إنسانية.. فعل هذا بكامل
قواه العقلية وبكامل وعيه..

المحامى :اعتراض من فضلك.. المتهم ينكر بشدة أنه كان بكامل
قواه العقلية، ويقرر أنه كان واقعاً تحت تأثير..

القاضى الشرقاوى [مقاطعاً]: دى حجة قديمة.

قاضى اليمين: واقع تحت تأثير إيه.. الحشيش.. والا الكوكايين..

المحامى :واقع تحت تأثير أشد من الحشيش والكوكايين
والمخدرات كلها.. واقع تحت تأثير القانون الجارى..
تحت تأثير العرف الاجتماعى.. وروح العصر.

الشرقاوى :إيه القانون الجارى.. والعرف الاجتماعى.. وروح العصر.

كوثر :دى كلمات مالهش راس من ديل.. ثم القانون ده مش شىء جامد.. ليه ماطالبش بتطوير القانون إذا كان مش مقتنع بيه؟

القاضى :أنا عاوز أسأل المتهم دلوقت بعد إذن الدفاع.. هل كان مقتنعًا بالقانون اللى بينفذه والا لأ؟

كوثر :[فى زى ممثل الاتهام]: المتهم يحيب.
[رحمى ينظر فى ارتباك]

القاضى :[يعيد السؤال] هل أنت مقتنع بالقانون اللى بتطبقه وإلا لأ؟! قول.. قول.. انطق.

رحمى :[فى ارتباك]: معرفش. [ضحك]

كوثر :[فى زى ممثل الاتهام يصرخ]: المتهم مش عارف حاجة دلوقت، ومع ذلك ساعة ما كان هنا على هذه المنصة.. كان يعرف جيدًا.. كان يعرف لدرجة اليقين والزهو والاعتداد والثقة.. كان يعرف لدرجة لا تقبل استثناءً أو مراجعة.. كان يشنق متهمًا بعد الآخر وكأنه يلهو بسلسلة مفاتيحه.

القاضى :[يعود إلى سؤال المتهم]: وإذا كنت مش عارف على حد قولك إزاي كنت بتوضع حشيات أحكامك.

رحمى : [فى ارتباك] : أنا كنت باوضع حيثيات لأن المتبع إن كل حكم كانت تسبقه حيثيات.. العرف كان كده.

قاضى شمال : وفين دورك « كقاضى ».. إذا كان كل عملك هو مجارة العرف بدون عقل.. وبدون إدراك؟

رحمى : معرفش.

قاضى يمين : هل أنت مدرك أن التنصل من أفعالك لن يجديك.

رحمى : معرفش.

المحامى : [يقاطع] : بعد إذن القاضى.. أرجو لفت النظر إلى أن موكلى فى حالة عقلية غير طبيعية.

كوثر : [ممثل الاتهام يصرخ] : أرجو لفت نظر الدفاع إلى أن المتهم يتستر وراء ادعاء بعدم الكفاية العقلية.. وعلى المحكمة ألا تسمح بهذا التلاعب.. إن هذا التلاعب معناه تلاعب بالعدالة.. وسخرية بهيئة المحكمة الموقرة التى تمثل هذه العدالة.

القاضى : [يدق على المنصة بشاكوش خشب] : الكلام فى مسألة الكفاية العقلية حا يخرجنا من الموضوع فضلا عن أن البت فى هذه المسألة من اختصاص الطبيب الشرعى.. فنرجو حصر استجوابنا اليوم فى الوقائع.. خلىنا فى الوقائع من فضلكم.

[رحمى يرفع أصبعه طالبًا الكلام]

رحمى : [فى ارتباك] : أنا عاوز أقول..

القاضى : اتفضل.. عاوز تقول إيه ؟

رحمى : أنا وقت إصدارى أحكام الإعدام كنت أعتقد أن أحكام الإعدام حاتوضع حد لحياة أصحابها فتريحهم وتريحنا.

قاضى يمين : وأنت كنت عايز تخلص منهم ليه.. كانوا تاعبينك فى إيه ؟
[ضحك]

رحمى : أنا ماكنتش عايز اتخلص منهم.. أنا ماليش مصلحة.. المجتمع هو صاحب المصلحة.

القاضى : إزاي بقى فهمنى ؟

رحمى : المجتمع هو صاحب المصلحة.. حاتبقى فيه عدالة وكل واحد حاشعر بالاطمئنان لأن كل مجرم يقتص منه.
[ضحك من الجميع]

القاضى : يعنى الحكاية حكاية انتقام وأنت ممثل الانتقام فى المجتمع.. عضك الكلب تجرى وراه وتعضه.. تبقى كلب زيه [ضحك] هل تعلم أن العدالة حينما تنزل إلى مستوى المجرم وتتبنى أساليبه تنحط بنفسها وتفقد معناها الرفيع وتصبح مجرمة مثله سواء بسواء.

رحمى : العرف الاجتماعى كان كده.. وأنا مش عايش لوحدى.. أنا عايش فى رأى عام.

قاضى الشمال : لكن أنت طليعة هذا رأى العام ويوم ما حاتمشى

الطلائع في المؤخرة يبقى على الدنيا السلام.

رحمى : العدالة نسبية دائماً ومرتبطة بعصرها.

قاضي اليمين : بتقول العدالة نسبية.. طيب ليه تقطع قطع مطلق في مصير إنسان وتعدمه «إعدام نهائي»؟

رحمى : حا اعمل إيه؟

القاضي : حطه في الطور.. استفيد بيه يقطع حجارة.

رحمى : والرأى العام..

القاضي : الرأى العام حايشى وراك.. وأنت القدوة.. مين بيحط الذوق القانونى للناس؟

عضو اليمين : .. مين؟

رحمى : [فى ارتباك] : مين؟

القاضي : رجل القانون الى عنده ضمير.

رحمى : [يلتفت حوله باحثاً] : فين هو ده.. أنا عمرى ما شفته..

[ضجة وهممة فى القاعة]

كوثر : [ممثل الاتهام] : نلفت نظر المحكمة إلى أن جريمة المتهم

أكبر من مجرد سوء فهم لنصوص القانون.. ذلك الرجل كان يصدر أحكامه بدافع من الكراهية والحقد لا بدافع من الحرص على العدالة.. إن هذا الرجل الخسيس يكره الإنسان فى أعماق ضميره.

المحامى : أنا لا أفهم معنى لترديد هذه التهم الجرافية أمثال هذا الرجل يكره الإنسان.. هذا الرجل عدو العدالة.. يعنى

إيه.. دى كلمات مطاطة وتهم مائعة.. ممكن تقال لكل واحد.. أنا عايز وقائع .. وقائع.

كوثر : [ممثل الاتهام يتجه إلى المتهم بقسوة]: أنا أطلب من المتهم الاعتراف بصراحة بحقيقة الكراهية التي تسود بيته.. بحقيقة العداء والحقد الذي يخيم على حياته..

رحمى : [في ذعر]: دى مشاعر خاصة.. وليس من حق المحكمة أن تنتهك المشاعر الخاصة لأى إنسان.

القاضى : الكلام ده تقوله فى محاكمكم.. المحكمة دى شأنها الأول واختصاصها.. وقائع الشعور.. وقائع الضمير.. احنا هنا بنفتش عن الحقيقة جوا القلب.. ماتهمناش الأحرار اللى يظبطها البوليس فى دولاب المتهم.. احنا هنا غايتنا التفتيش جوه قلبك.. جوا ضميرك.. جوا روحك.

رحمى : [يشعر بشعور رجل مأمور بأن يخلع عريانا.. يصرخ فى رعب.. وفى صوت باك]: مش معقول.. ذا ظلم.. حرام.. حرام.. ربنا ما يرضاش بكده.. ربنا ما يرضاش بكده.
[ينهار داخل قفصه]

القاضى : تستطيع أن توفر على نفسك مهانة التفتيش بأنك تعترف.

رحمى : [ينهار فى قفصه يتلوى من الألم]: مش معقول.. حرام.

كوثر : [ممثل الاتهام]: وهكذا ترون يا حضرات المستشارين

كيف يتلوى المتهم من العار والخزى حينما يستشعر بأن الكراهية الزرقاء التي يطفح بها قلبه توشك أن تنكشف.. إنه لا يجد الجرأة لأن يراها بنفسه.. لا يستطيع أن يفتح عينيه على بشاعة حقيقته.

رحمى : [بصوت باك]: مش معقول.. حرام.. حرام.. مش معقول يطلب من إنسان أن يعرض نفسه عريان بدون ملابس.. بدون جلد.. بدون لحم.. حرام.

مثل الاتهام: [بقسوة]: للمرة الأخيرة أطلب من المتهم الاعتراف بحقيقة الكراهية التي يخفيها.. بحقيقة الشك والغيرة والحسد والبغض والحقد.

رحمى : [يصرخ وهو يبكي]: حرام.. [يصرخ مستنجدًا] أمى .. أمى.. أمى.

مثل الاتهام: [بقسوة]: وها هو قد عاد طفلاً ينادى على أمه.. رحمى : [يصرخ وهو مازال يبكي وينتفض]: أمى.. أمى! [ينفتح الباب وتدخل أم رحمى الغرفة - تتلفت باحثة عن ابنها - من الواضح أنها لا ترى هذه المحاكمة ولا تلقى بالا إلى أحد من الموجودين فيها - وإنما تسرع إلى ابنها وتحتضنه].

رحمى : أمى.. أنت فين يا أمى.. [يشاور لها على المحكمة والمنصة والقضاة والمحامى والحاجب.. ولكنها تتبع إصبعه ولا ترى شيئاً].

أم رحمى : إيه يا ابنى.. فيه إيه.. بتشاور على إيه؟

رحمى : على الناس دول.. مش شايفاهم يا أمى ؟

أم رحمى : ناس مين يا بنى.. مافيش حد غيرنا.. مالك يا حبيبى

بسم الله الرحمن الرحيم.

[القضاة والمحامى والحاجب وممثل الاتهام مازالوا يحملقون فى

رحمى.. الضوء الشديد قد انتقل إلى وجه الأم والابن وباقى

المحكمة فى ضوء خافت].

رحمى : مش شايفة الناس دول؟! :

الأم : أبداً يا حبيبى مافيش حد.. أنت لازم بيتيهأ لك.

[رحمى فى تلك اللحظة يكون جالساً على باب قفصه يتحسس

القضبان.. ويحاول أن يتصور أنها قضبان وهمية فى قفص وهمى

لا وجود له كل ما يحدث فيه حلم فى حلم.. وهو لا يستطيع أن

يصارح أمه بحقيقة مشاعره.. ولكنه يتشبث بها.. ويتعلق بها

كالطفل الرضيع].

كوثر : [ممثل الاتهام يشير بإصبعه فى سخريّة]: لقد عاد الرجل

السفاح طفلاً يحبو على صدر أمه.

[رحمى يسد أذنيه حتى لا يسمع.. ويخفى رأسه فى كفه حتى

لا يرى].

الأم : وإيه اللى مقعدك على الأرض كده يا بنى ؟

[رحمى مازال يسد أذنيه حتى لا يسمع ولا يرى.. ويرفع رأسه

أخيراً ويمسك بأمه هاتفاً].

رحمی
الأم
:أُمی.. ربنا موجود فی الدنيا یا أُمی؟
:طبعًا یابنی ربنا موجود فی کل الوجود.. وهو أرحم
الراحمین.

رحمی
:طیب لیه مش بیرحمنی [یضع رأسه علی صدرها ویبکی] لیه
مش بیرحمنی؟

« ستار »

الفصل الثانی

: [رحمی فی غرفة مكتبه یروح ویجیء فی خطوات سريعة قلقة وهو
یعصر رأسه بیده.. توفیق واقف بالباب]

توفیق : أنت جرى لك إيه يا رحمی.. أنت عملت إيه فی مراتك؟

رحمی : [یرفع رأسه]: هی راحت لك؟

توفیق : [مقبلا علیه]: أنت جرى لعقلك إيه؟

رحمی : [فی نغمة ذات معنى]: هی راحت لك زى كل مرة [یمسك به

ويهزه] قالت لك إيه.. قل لى.. قالت لك إيه [فی لهفة

وقلق] وراحت لك ليه؟! ولیه كل مرة ماتلاقيش غيرك

تروح له.. هی متجوزاك والا متجوزانى؟! أنا عارف

الى بینکم.. أنا عارف..

توفیق : أنت حاتخلينى أصدق الى بیقولوه الناس.. حاتخلينى

أقولك إنك اتجننت.

رحمی : أنا متجننتش.. أنا عارف إنك بتحبها وإنها بتحبك.. أنا

عایش بتفرج علیکم طول السنين دى.

توفیق : رحمی!!

رحمی : ليه راحت لك.. قل لى..

- توفيق : عشان مش لاقياك.. عشان مش لاقية حد تكلمه.
 رهمى : وأنت الوحيد اللى بتلاقيك.. أنت الوحيد اللى بتقدر
 تكلمه.. أنت .. أنت.. دائماً.. وأنا.. أنا فين؟
- توفيق : أنت عمرك ما حاولت تفهمها.. عمرك ما قعدت معاها
 قد ما بتقعد مع دوسيه مرمى على مكتبك.
- رهمى : [وهو يصرخ ويشير بإصبعه فى استنكارا]: أنت توفيق اللى
 بتقول الكلام ده؟
- توفيق : أنت غلطان يا رهمى ولازم أقولك على الحقيقة.
 رهمى : [يصرخ]: وليه متقوليش على الحقيقة كلها.. ليه ماتقولش
 إنك بتحبتها.. وإنك حرضتها.. وأغويتها.
- توفيق : [فى كبرياء]: رهمى..
 رهمى : أأتمنتك على بيتى.. سلمتك حياتى ووثقت بيك [فى يأس]
 والنهاية..
- توفيق : رهمى أنت اتجننت.
 رهمى : أنا عقلت.. فتحت.. أنا شفت كل حاجة على حقيقتها
 [ينظر إليه فى غل] لكن مش حاسبها لك لقمة سهلة دى
 مراى.. ملكى.. حاجيبها غصب عنها بالقانون.. حطبتها
 فى الطاعة.
- توفيق : أنت بقالك عشرين سنة مقعدها معاك بالقانون..
 بتحاول تمتلكها بالقانون.. عملت إيه بالقانون بتاعك
 يا مجنون..

رحمى :طبعًا.. القانون عند واحد زيك جنون.. واحد زيك
بيدخل بيوت الناس عشان يسرقها.

توفيق :[فى كبرياء مجروح]: أنا مش حا ادافع عن نفسى.. مش
حاقولك أد إيه أنت غلطت فى حقى لأنك غلطت فى حق
نفسك أكثر.. حرمت نفسك من أكبر نعمة فى الدنيا.. من
نعمة الحب.. وبنيت حياتك على وهم اسمه القانون.

رحمى :الحب.. عملتوا إيه أنتو بالحب؟! كذبتوا علينا باسم
الحب.. صورتوا لنا وهم أكبر من كل وهم.

توفيق :[فى إشفاق]: وأنت عملت إيه بالقانون؟! فى النهاية بتشك
فى القانون.. وتشك فى الناس.. وتشك فى الحياة.

رحمى :[ينفجر]: لأنى عرفت اليأس.. علمتوني اليأس..
علمتوني أنى أكره [يصرخ] أكره أكره.. كرهت نفسى..
كرهت حياتى.. كرهت الدنيا.. السنين الطويلة وأنتو
قاعدين تبصوا لبعض وأنا باتفرج [يغطى عينيه].

توفيق :مش معقول.. مش قادر أصدق أن خيالك المجنون يصور
لك كل ده.. [يقرب منه فى إشفاق].

رحمى :كنت عايز أهرب من الدنيا.. وأعيش فى منفى «وحيده»
ماشفش حد.. كنت عايز أنزل فى جب تحت الأرض
واستخبأ.. [يهزه فى غل] كنت.. عايز أقتلك.. وأقتلها..
وأقتل نفسى.. [يتركه ويسرح لحظة] وبعدين بقيت أقول
لنفسى.. وأقتلها ليه؟! وليه أحرك إيدى وأتحمس لأى

عمل ؟! وليه أغضب ؟! وليه أثور ومفيش حاجة تستحق
أن أغضب وأثور ؟! كل شيء بيجيله ساعة وينتهى .. كل
شيء ويموت .. أنت حاتموت وحبك حاتموت وهى
حاتموت .. وأنا حاتموت .. إيه الداعى للعجلة .. السم فى
الكأس اللى بنشر به كلنا.

:دلوقت عرفت قد إيه كوثر اتعذبت معاك ؟

توفيق

:أنا اللى اتعذبت .. وأنتم اللى عذبتونى لأنكم عيشتونى فى
كذبة .. كذبة طويلة .. مالهش نهاية .. أنا كنت عايش فى
كذبة .. أنت معاك حق .. كل شيء اتهدم قدام عينيا .. كل
شيء أصبح مشكوك فيه .. [تأخذه نوبة جنون] كل
الدوسيهات دى كذب فى كذب [يبعث الدوسيهات من على
المكتب ويمزقها واحدًا بعد الآخر] كل الأحكام دى كذب ..
مفيش قانون .. مفيش عقل .. مفيش نظام .. مفيش حرمة
لأى شيء .. اللى بيقتل فيه قانون يعاقبه .. لكن اللى
بيحب ويقتل واللى بيحب وينقتل مفيش مواد تطبق
عليه .. اللى بيحب ويخرب قلوب ويهدم عقول وبيوت
مفيش نصوص تعاقبه .. الحب ؟ هو إيه عايز أفهم .. تقدر
تفهمنى يعنى إيه الحب ؟! إيه هو التكييف القانونى لكلمة
الحب ؟

:رحمى ..

توفيق

:أنا رجل قانون .. أنا مش شاعر . [يبدو فى عينيه الجنون]

رحمى

توفيق :رحمى..
 رحمى :[وهو يتذكر]: يبقى كلامهم فى محله.
 توفيق :هما مين؟
 رحمى :هما اللى بيقلوا إن احنا لازم نكتب القانون من جديد..
 نكتبه كلمة كلمة من جديد.
 توفيق :هما مين اللى بيقلوا كده؟
 رحمى :الى بيعذبونى.. الى حطوا إيديا فى الحديد.. المجرمين.
 توفيق :رحمى..
 رحمى :لكن أنا برىء.. برىء أنا ماليش ذنب.
 توفيق :أنت بتتخيل حاجات مالهش لزوم يا رحمى.. ما فيش
 أى حاجة بينى وبين مراتك أقسم لك.. أقسم لك.
 رحمى :كذب.. كذب.. كل شىء كذب.
 توفيق :[يهزه]: فوق لنفسك يا رحمى.. أنت عايش فى وهم.. أنت
 ظلمت نفسك وظلمتنا معاك.
 رحمى :أنا ماظلمتش حد.. أنا متهم زى زيكو.. فى إيدي الحديد
 أهوه [يلوح بيديه كأنها مغولتان].
 توفيق :حديد إيه؟
 رحمى :حاقولك إيه مش ممكن تقدر تفهم.. أنت معذور أنا كنت
 زيك وأنا قاعد أحكم على المتهمين من فوق منصة
 القاضى.. عمرى ما قدرت أفهم لكن دلوقتى وأنا فى
 القفص.. فهمت [يطرق إلى الأرض مردفًا] فهمت..

- توفيق : فهمت إيه وقفص إيه ؟
- رحمى : بعدين حاقولك.. بعد الجلسة.. لما ينطقوا بالحكم..
حاقولك كل حاجة.
- توفيق : جلسة إيه.. وحكم إيه.. [يشيح بيديه فى يأس وقد آمن أخيراً
أنه يواجه رجلاً مجنوناً] يبقى هى كان عندها حق.. كانت
عائشة وحيدة طول عمرها فعلاً [ينظر إلى رحمى ثم يتجه إلى
باب الخروج].
- رحمى : رايح فين يا توفيق ؟
- توفيق : [فى يأس] : حاستنى بره على ما تخلص الجلسة. [يخرج].
[تسمع خطواته وهى تبتعد رويدا رويدا.. رحمى يروح ويحىء فى
غرفته.. ويبدأ الحديث مع نفسه هامساً ثم يرتفع صوته تدريجياً حتى
يصيح صياحاً معولاً].
- رحمى : [فى همس] : كانت عائشة طول عمرها وحيدة جداً.. وأنا
أنا.. [يتجه إلى الجدار] أنا اللي كنت بخبط على الجدران
محدث بيستمعنى [يخبط على الجدار بكلمات يديه فى جنون مغمماً
فى صوت معول] قلبى اللي كان بيخبط فوق ضلوعى..
محدث بيرد عليه.. حتى دموعى كانت بتتجبر ما
تسعنش.. حتى لسانى الأخرس مكانش بيلاقى الكلام
الى يقوله.. أنا القاضى الأنانى.. [يخبط على الجدار] الحنان
كان بيطلع منى قسوة.. الحب كان بيطلع منى كراهية..
كنت زى الطفل الى عنده عاهة فى الكلام.. مكنتش

باعرف أتكلم.. كنت وحيد وحدة الجنون.. كنت
باصرخ.

[يخبط على الجدار وهو يصرخ.. يجيء صوت أمه متهدجًا حزينًا من
الخارج.. تدخل الأم من اليمين].

:مالك يا بنى.

الأم

:محدثش كان بيسمعنى غير أمى.

رحمى

[أم رحمى تفتح وتدخل تحمل سجادة الصلاة تحت إبطها].

:مالك يا بنى عايز إيه؟! [تدخل عليه فى حنان وتحتضنه ويحيطها
بذراعيه].

الأم

:مالك؟

الأم

:عايزك تدعيلى يا أمى.. عايزك تدعى لابنك الغلبان.

رحمى

:ربنا يجعل لك فى كل خطوة سلامة يا بنى.. ربنا يقدم لك
الطيب.. ويوقف لك ولاد الحلال.

الأم

:مابقاش فيه ولاد حلال يا أمى.

رحمى

:ولاد الحلال كتير يا بنى.. الخير لسه فى الدنيا.

الأم

:فين الخير سكتة منين؟

رحمى

:سكتة سكة المؤمنين يا بنى.. ربنا بينور للمؤمنين طريقهم..

الأم

وقلب المؤمن دليله وكل المؤمنين على نور.

: [فى يأس]: المؤمنين!!

رحمى

[ترجع الأم بوجهها إلى الصلاة].

:أنا فى كل صلاة بادعيلك يا بنى.

الأم

[تذهب إلى ركن في المسرح وتبسط سجادتها] بادعى لك أن ربنا يفتح لك الباب. [تبدأ في الصلاة فلا تسمع صلاتها ولكنها نرى قمتة شفتيها وحركات يديها والأنوار الكاشفة تتجمع لتضيء جسمها وهي تصلي في حين يغرق باقي المسرح في الظلمة.. ونسمع صوت رحمى].

رحمى

:وامتى حايנفتح الباب؟

[تخفت الأنوار الكاشفة على الأم ثم تنطفئ في حين تضيء بقعة على الأرض أمام رحمى حيث تنشق الأرض وتخرج كوثر في ثياب نوم هفهافة تكشف صدرها وذراعيها وعلى كتفها وشاح رقيق شفاف يطير كأنه جناحان.. يتهدل شعرها المصفف في أناقة.. البدره والأحمر والروج والكحل في تواليت كامل على وجهها المضىء الخلو.. تبدو شبيهة بتفاحة آدم].

رحمى

: [يشهق في انفعال]: كوثر!!

[يتقدم رحمى محاولا الإمساك بكوثر ويلف حولها ويده على كتفها اليمنى - بعد انتهاء الحركة تضحك كوثر - يتركها رحمى. لا تبدو كوثر أنها تسمعه.. وإنما هي تتطلع بعينيها إلى آفاق بعيدة وترفرف بذراعيها كأنها تطير].

رحمى

: [في انفعال أشد]: كوثر!! [يمد يده حتى يلمس وشاحها ثم يصرخ] كوثر! [يحدث نفسه في يأس] مش بتسمعى [بنغمة باكية] مش بتسمعى عينيها سرحانين.. بتضحك [ينزل رحمى من أمام المكتب فترفع كوثر يدها إلى أعلى فيتقدم رحمى

ويجذبها من يدها [بتضحك لمن.. بتفكر في مين.. مادة إيديها
الاتنين لمن.. مش لى.. دى مش شايفانى.. مادة إيديها
لواحد تانى [تتقدم كوثر بحركة راقصة تحتضن شيئاً ما].. له
هو.. للسارق اللى سرقها منى [فى ألم وهو ينطق بالاسم]
توفيق.

كوثر

: [تهتف فى حنان]: توفيق!

[تستدير كوثر.. يتراجع رهمى فى ذعر.. يتلفت حوله كأنه يتوقع أن
يظهر توفيق ولكن لا أحد هناك سواه هو وكوثر]

كوثر

: [فى حنان أكثر وهى تمد يدها.. وينزل رهمى إلى كوثر ويحتضنها
ويلف بها]: توفيق.. حبيبى [ترقع كوثر] أنا ماليش حد
غيرك فى الدنيا أنا انتهيت.. أنا مابقليش بيت أعيش
فيه.. أنا عايشة مع راجل مجنون.. مجنون.. رهمى اتجنن
يا توفيق.. كان حايقتلنى.. فقد عقله خلاص.

رهمى

: [فى استنكار]: مش ممكن.. مش ممكن [يتركها رهمى] دى
جريمة.. حرام.. حرام.. ده غلط.

كوثر

: [تكلمه كأنه توفيق]: الحياة كلها غلط فى غلط.. أنا بقالى
عشرين سنة عايشة فى الغلط.. لو كنت بتحببى مكنتش
فكرت فى الصبح ولا فى الغلط.. وماكنتش حتى عرفت
الصبح من الغلط [تقف كوثر وتحتضن رهمى وتلف به] أنت
ماجربتش الحب واليأس يا توفيق.

رهمى

: [فى استنكار]: لكن ده جنون!

كوثر : [ترجع بظهرها]: أرجوك سبنى أتعجن.. من حقى أنى أتعجن
بعد كل الى شفته [تقبل يد رضى فى ذلة وكأنه توفيق]
الجنون هو أملى الوحيد فى الحياة.

رضى : [فى ألم شنيع]: لكن فيه واحد بيتعذب.. فيه واحد بيتعذب
بينكم.

كوثر : [تتخطى المسرح]: مفيش حد بيتعذب غيرى.. هو
استريح.. فقد عقله.. قطع صلته بكل العالم.. معدش
دارى بحاجة.. أنا الى عايشة باشوف موتى البطيء
بعينيه.

رضى : كوثر! [موسيقى].

كوثر : توفيق.. حبيبى أنت آخر أمل لى [تنظر إلى رضى بانفعال
بالغ.. تلقى بنفسها بين ذراعيه.. تدفن رأسها فى صدره.. لحظة
صمت.. تبكى كالطفلة على صدره وتغمغم فى حرارة] يا حبيبى..
يا حبيبى [تصعد كوثر مع حركة يده حتى تصبح فى مواجهته
وتنام على رجليه].

[موسيقى راقصة حاملة]

[ترفع رأسها من بين ذراعيه.. تتلفت حولها وهى نشوانة.. تنقلت
منه فى رقة.. تأخذ فى التجوال وحدها بين قطع الأثاث تتفحصها
حاملة.. يظهر من كلامها أنها تتخيل أنها فى بيت توفيق.. وتتأمل
قطع الأثاث فيه]

كوثر : طول عمرى كنت بالتخيل البيت الى أنت عايش فيه..

والأودة اللى بتنام فيها [تضحك كوثر وتنفلت منه حتى تصل أمام المكتب وتركع وتمسك بأحد الكراسى] كل كرسى من دول كنت بانفضه كل يوم فى خيالى [تلمس الأثاث] العفش ده أصبح عفشى من كتر ما فكرت فيه.. أنت مالكش حاجة هنا.. كل حاجة هنا بتاعتى.. أنا اللى تعبت فيها.. [تذهب إلى الشماعة] الشماعة دى كنت دايمًا باحلم بيها وكنت أول ما أخش أدور عليها علشان أعلق الشال بتاعى [تمد يدها فى آلية وتخلع الشال الذى تلبسه وتعلقه على الشماعة.. قميص النوم نصف العريان يكشف الآن مفاتيح جسمها الناضج الأنثوى.. دائرة من الضوء تلاحقها فى كل تحركاتها وتضىء جسمها المغرى.. تقف وسط الغرفة تتلفت كالطفلة] بيتها لى وأنا واقفة دلوقتى أن كل العمر اللى فات ما كانش حقيقى [موسيقى] بيتها لى إنى كنت نعسانة وبفتح عينى لأول مرة.. وأنى حقوم ألبس فوطة المطبخ وأروح وأجهز لك الأكل.. مش معقول أنا هنا من ربع ساعة بس.. أنا هنا من يوم ما اتولدت [تنظر إلى رضى فى شغف وتهمس فى حرارة] توفيق.. [تهرع إليه وتلقى بنفسها على صدره].

: [يصرخ وهو يبعدها فى ذعر]: مش معقول.. أنت مش شايفة.. أنت مش شايفة..
: [تعود لتحتضنه]: أنا مش شايفة أى أحد غيرك يا حبيبى..

رضى

كوثر

- [رحمى يسكها من عنقها]
- رحمى : أنت مجنونة.
- [تحتضنه كوثر وتلف به]
- كوثر : أنا مجنونة.. وعايضة أعيش مجنونة على طول.. أرجوك بلاش تعقلنى.. أرجوك.
- رحمى : [يبعدها فى خشونة]: لكن ده فظيع [فى صراخ] فظيع [ينهار على أحد الكراسى - النور على كوثر بينما هو فى الظلام] وأنا - وأنا - ماليش وجود؟؟ [يتحسس جسده] أنا!
- كوثر : [تتحسسه فى حنان]: توفيق!
- رحمى : [يصرخ]: أنا مش توفيق.. أنا مش توفيق.. أنا رحمى اللى بيكلمك.. رحمى [يصرخ] رحمى.. رحمى.
- كوثر : توفيق..
- رحمى : ده جنون.. جنون.. [ويهجم عليها]
- كوثر : [مازالت تهمس]: توفيق.. توفيق.
- رحمى : [يكممها بيديه فى خشونة ويكتم نفسها]: اسكتى.. اسكتى.. أنا باكره صوتك.. باكرهك.. باكرهك.. باكرهك.. وحاقتلك.. وحاقتلك..
- [يخف الضوء تدريجياً من على كوثر.. ونراها تنزل فى شق الأرض وتختفى فى حين يلمع الضوء على رحمى الذى يقف مشدوهاً يكمم بيديه الهواء ويتمتم كالمصعوق وهو يتلفت حوله وينادى]
- رحمى : كوثر.. كوثر [فى يأس وصوته باكٍ - تظهر الأم من اليمين]

كوثر.. أنت فين.. رحتي فين.. رحتي فين.. أنا.. أنا.. أنا
قلت إيه.. أنا قلت إني باكرهك.. دائماً باقول إني
باكرهك لكن أنا [يبكى] أنا باحبك.. ليه مابعرفشى
أقولها إلا في السر.. كوثر.. كوثر.. مدى لى إيدك.. أنا
باغرق في عالم كله ضلمة.. ضلمة.. حموت وحيد.. يتيم
من غير أمل.. حاموت من غير ما أقولك اللى في قلبى.
[موسيقى جنائزية.. الأضواء الكاشفة تضيء الأم وهى تصلى
وترفع يدها بالدعاء وتحرك شفتيها ونحن لا نسمع صوتها ولكننا
نرى وجهها الهادئ المطمئن ويديها المرفوعتين بالعبادة وشفتيها
المرتعشتين بالصلاة.. رجمى يتجه نحوها وينظر إلى وجهها الهادئ في
دهشة ويقول بحسرة].

رجمى

:ليه ما باقدرش أصلى زى أمى ما بتصلى.. أمى وجهها
هادئ.. هادئ.. حاتقابل الموت بوجه هادئ.. وأنا بأقابل
الحياة وأنا أرتجف.. بشوفها والبيت فاضى عليها زى
الخرابة وهى قاعدة لوحدها تقول لى.. الدنيا ونس يا
بنى.. بادور فى البيت.. فى الونس؟! بيتها لى فيه ناس
قاعدين معاها بيونسوها ما بلاقيش حد [ينظر إليها وهى
تتمتم بشفتيها] مجنونة.. مجنونة.. بتكلم نفسها.. بتكلم مين
دلوقت [بصوت مرتفع ودهشة] بتكلمى مين يا أمى [يصرخ
مرتاعاً] مين معانا.. مين معانا.

رجمى

: [وهو يتلفت حوله فى الغرفة الخالية]: احنا لوحدها لوحدها..

ما فيش حد معانا.. أنا هنا في الأودة لوحدي ما فيش حد
معايا [موسيقى تصويرية].

[صوت الموسيقى يرتفع رويدًا رويدًا حتى يصبح ضجيجًا يصك
الآذان ثم يسكت دفعة واحدة حين يلوح رهمي بيديه في يأس
ليسكت ذلك الضجيج المدوي بداخله.. تلى ذلك موسيقى رقيقة
حزينة.. ناي.. باكٍ معول]

: [في شرود]: من زمان واحنا هنا لوحدنا.. بنسلى بعض
بالحكايات ونصبر بعض بالأمانى الحلوة.. ونضحك.
[ضحكات مسجلة على شريط ركوردر تبدأ واضحة ثم تدار
بسرعة على الخلفية الموسيقية للناي الحزين فتبدو ضحكات
كاريكاتورية عجيبة].

بنضحك على إيه؟!
بنعيش في الخوف..
خايفين من إيه؟! [يذهب ناحية الباب ويضع أذنه على الباب].
فيه حد بيتجسس علينا..

فيه حد حاطط ودنه على خرم الباب..
فيه حد حاطط ودنه على قلوبنا..
بيسمع دبة النملة جوا قلوبنا..

: [بصوت كله أسي]: مفضوحين مفضوحين.
أمى كانت دايماً بتدعيلنا بالستر.. فين الستر.. احنا
مفضوحين.. دى مش حياة [يصرخ] دى فضيحة.. أودى
وشى فين؟

رهمي

رهمي

نفسى فى لحظة حلوة أعيشها فى السر من ورا كل
الدنيا.. بعيد عن نور النهار..

لحظة واحدة أعيشها من غير بطاقة شخصية.. من غير
اسم.. من غير عنوان.. من غير ثمرة فى الدليل.. من غير
دوسيه.. لحظة أحب فيها وأكره من غير عينين واسعين
يفضحونى.

لحظة أتكلم فيها من غير واحد تانى على الخط بيسمعنى.
لحظة واحدة أعيشها من غير خوف.. الخوف فظيع..
فظيع.

ساعات الانتظار طويلة.

انتظار النهاية..

أنا تعبت من الانتظار..

عايز أعرف إيه النهاية..

إيه نهاية ده كله..

مش قادر أتعذب أكثر من كده.. مش قادر أنتظر [تجھظ
عيناه ويهمس بصوت مبجوح]: حستعجل النهاية.. مش
حانتظر ولا لحظة بعد كده.

[يفتح أحد أدراج المكتب فى عجلة وارتيباك وهو يتلفت حوله
ويخرج مسدسًا ملفوفًا فى قطعة قماش يقلب المسدس] أخيرا
[يقبله أمام عينيه فى فرح حيوانى.. يفتح المسدس.. ويخرج
الرصاصات ويتأكد منها ثم يعيدها إلى مكانها.. يدها ترتجفان..
عيناه جاحظتان.. يضع المسدس على صدغه]

طلقة واحدة وأخرج منها خروجًا أبدياً [تتسع عيناه من الذعر] لكن حاخرج أروح فين [يعيد المسدس إلى مكانه بالدرج وهو مازال يرتجف ويهمس] حاخرج أروح.. أروح فين.. مين رجع بعد الموت يقول لنا راح فين؟ مفيش فائدة.. مفيش حل.. لازم حاقعد هنا للآخر.. لآخر الجلسة.. لآخر المحكمة.. لآخر ورقة في ملف التحقيق [يلقى برأسه على المكتب في استسلام واسترخاء ويغمض عينيه].

[ينخفت الضوء على المسرح رويدًا رويدًا.. ونسمع صوتًا يهتف (محكمة).. وتنشق أرض الغرفة لتخرج منها هيئة المحكمة التي رأيناها في الفصل الأول بنفس ملابس السجن التي ظهرت بها.. تظهر كل شخصية منها في حالة من الضوء التام]

الحاجب : [ينادى]: رحمى سعودى [لا أحد يجيب.. يعود إلى المناداة بصوت عصبى حاد يصك الأسماع]: المتهم رحمى سعودى..

رحمى : [يرفع رأسه ويحيب في تبجح وعصبية]: مش موجود.. [يصرخ في تحدٍّ] مش موجود: [كل أعضاء المحكمة يشيرون بأصابعهم إليه.. يتقدم الحاجب ويمسك به من كتفه ويسحبه إلى قفص الاتهام حيث يلقي به].

كوثر : [في زى ممثل الاتهام.. يتركز عليها النور وينخفت على الوجوه الأخرى]: المتهم ينكر نفسه.. المتهم وصل به الإجرام إنه ينكر وجوده.

رحمى [يهب واقفا في تحد]: أنا حر في إنكار ما لا يعجبني.. [يضحك المستشارون.. ويتهايل كل واحد على الآخر وهو يضحك وتنتقل ضحكاتهم حتى تشمل هيئة المحكمة كلهم]

القاضى الشرقاوى: حر..؟ [يضحك] حر ازاي بقى.. أمال الققص ده إيه؟

رحمى: أنا أنكر شرعية المحاكمة دى كلها.

الشرقاوى: تنكرها بصفتك إيه؟

رحمى: بصفتي رجل قانون.

[يعود المستشارون إلى الضحك]

الشرقاوى: [في سخرية]: رجل قانون [يضحك] أنت مجرم يابنى.. أنت معتقل.. أنت مطلوب إعدامك.

رحمى: [في حدة]: أنا متنازل عن الحياة اللى عايزين تعدموها..

مش عايزها خدوها.. أنا شايف أنها ما تساويش حتى أجرة الدفاع عنها.. ما فيش لازمة تتعبوا نفسكو في محاكمة وشهود ومحاضر وجلسات.. أنا متنازل.. ومستعد لرد كل المكاسب اللى كسبتها في الحياة التافهة دى.. بما في ذلك العدالة المقدسة اللى بتمثلوها.. [يصرخ] طظ فيكم كلكم، و طظ في الدنيا بتاعتكم.

[تنفجر المحكمة في ضحك مجلجل متصل].

رحمى: [يصرخ]: أنا حاموت في الوقت اللى أنا عايزه.

[الشرقاوى يضحك والمستشارون يضحكون]

- رحمى :[يصرخ]: أنا حاموت فى الوقت الى أنا عايزه.
[يحاول أن يخنق نفسه فى القفص.. يهجم عليه الحاجب].
- كوثر :[تلى على كاتب الجلسة بصوت جهورى] جريمة شروع فى قتل.. اكتب عندك فى المضبطة.. المتهم شرع فى قتل نفسه.. وبذلك تصبح عدد جرائمه ١٧ جريمة قتل.
- رحمى :[يصرخ باكيا]: أنا حر فى نفسى.. أنا حر فى حياتى.. أنا مش عايز أعيش.. أنتو مالكو.. ده حقى.
- الشرقاوى :الحياة من شأن الله وحده هو الذى يعطيها وهو الذى يأخذها.
- رحمى :[يسقط على ركبتيه]: يارب ارحمنى.
- كوثر :اليوم يسقط المجرم على ركبتيه طالباً من الله الرحمة.. وبالأمس كان يمشى معتدّاً جباراً لا يرحم.
- رحمى :هو أنتو حاتحاسبوني عايزين منى إيه؟
- الشرقاوى :عايزين نعلمك العدالة؟
- رحمى :أنا استقلت خلاص.. سبت كرسى العدالة.. نفضت إيديا من العدالة.
- الشرقاوى :وأفعالك؟ [يكشف عن ذراعيه اللتين مازالتا مقيدتين بالسلاسل ويلوح بهما فى وجه رحمى] نفضت إيدك من أفعالك.. وهل فى إمكانك الاستقالة من أفعالك.. والانفصال عن ماضيك.. والدم الى سفكته؟
- رحمى :[يصيح]: الماضى انتهى خلاص.. أنا استقلت.. أنا على

المعاش.. محدش له عندي حاجة أنا حا ابتدى من جديد.. حافتح صفحة جديدة من حياتى.

الشرقاوى : الماضى ما انتهاش.. الماضى عايش معاك.. الماضى هنا منتظر خارج المحكمة.. تحب نستدعى لك الماضى [يخبط بالشاكوش الخشبى على المنصة ويصيح] الحاجب ينادى على الماضى.

[صدى الصوت يدوى فى أرجاء المحكمة: الحاجب ينادى على الماضى]

الحاجب : [ينادى من ورقة فى يده]: المجنى عليه وديع بشاى.. المجنى عليه جرجس بشاى.. المجنى عليه راغب بشاى [تنشق الأرض ويخرج منها المجنى عليهم بملابس السجن والقيود فى أيديهم.. وحول كل منهم هالة الضوء.. الحاجب يستمر فى استدعاء الأسماء بصوت أكثر شدة] سليم أبو الغيط.. سالم أبو الغيط.. محمد أبو الغيط.. رضوان أبو الغيط [يخرجون من الأرض فى لحظة مناداة أسمائهم] عم بيومى.. أنيسة العالمة.. شفيقة البنهاوية.. أم لواحظ.

[المسرح الآن ممتلئ بالوجوه والأشخاص وكلهم بملابس السجن.. والقيود فى أيديهم.. يشاورون على رضى وبلغطون].

الشرقاوى : [يدق بشاكوش على المنصة]: سكوت من فضلكو.. إيه رأيك فاكر الوجوه دى؟

رحمى : [مبهوتًا]: جم منين دول.. دنا حكمت عليهم بالإعدام..

شنقتهم كلهم.. إيه اللي جابهم؟ [يصرخ] إيه اللي جابهم؟
الشرقاوى : تقدر تنفض إيدك منهم. [المجنى عليهم يلوحون في وجه رحى
ويتزايد لغطهم وضجيجهم يرتفع على صوت المحكمة ويصك
الآذان].

رحى : [يصرخ]: سكوت [يسد أذنيه] سكوت..
[يرتفع صوت الضجة.. يختلط بقهقهات السخرية.. وإشارات
الاستهزاء].

الشرقاوى : [يدق بشاكوشه فتسكت الأصوات]: خلاص مبقاش لك
حكم عليهم دلوقتي.. ماتقدرش تسكتهم دول في عالم
تاني غير خاضع لك.. هما دلوقتي اللي يسكتوك.

رحى : [ينقل بصره بينهم في رعب]: دول شياطين.. أشباح.. أرواح
شريرة.. أنا حاصر حكم بإعدامهم تاني..
[كورس من الأصوات يردد في سخرية: تاني؟!]

رحى : [يصرخ]: دى مهزلة.. محكمة مشكلة من مجرمين قتلة
سفاحين لصوص.. عصابة تتآمر للعبث برجل شريف.
[صغير استهزاء.. ضحك.. كلهم يرددون في كورس]: شريف
جدا.. يقتل بستين جنيه في الشهر.. الراس تقف باتنين
جنيه.. بريال في الجملة.. يا بلاش يا شرف.

رحى : أنا أطلب القبض على هذه المحكمة المزيفة.. فين
البوليس؟

الشرقاوى : مفيش بوليس هنا.. البوليس ده كان عندك في العالم

بتاعك.. العالم الى تخليت عنه وتخلي عنك.. أنت دلوقتي
لوحدك.. مفيش حد معاك.

رحمى :ربنا معايا..

كورس :عشا الغلاية عليك يارب.

الشرقاوى :ولا ربنا..

رحمى :[يبكى]: ربنا معايا.. أنا إنسان مظلوم.

كورس :الراجل بيعيط زى ولايا السيدة.. حا يشيل مخلة
ويسرح على باب الله.

الشرقاوى :ومن امتى كنت بتاخذ بالعدل الإلهى.. أنت شنقت دول
بعدلك وإلا بالعدل الإلهى.. لما كانوا بيقولوا يارب..
كنت بتعمل فيهم إيه؟

رحمى :دول سفاحين.. مجرمين.. قتلة.. مايعرفوش ربنا.

كورس :عرفت منين؟! دخلت ضميرهم؟

رحمى :أنا كان قدامى أوراق.. دوسيه لكل واحد.

الشرقاوى :أوراق.. أوراق.. ده كل الى تعرفه عنهم.. كل روح
عندك عبارة عن ورقة.. إمضاء.. بلاغ.. هى دى
العدالة.. واللى ما عندوش أوراق.. واللى ما يعرفش
يكتب.. واللى مالوش محامى.. واللى مالوش شهود..
تعمل فيه إيه؟! عم بيومى الى مالاقاش شاهد يشهد
له.. عملت فيه إيه؟

عم بيومى :[يصرخ من بين المجنى عليهم صرخة مدوية]: إعدام يا بيه

إعدام.. شنقني من غير رحمة ولا رأفة.

رحمى :[يصرخ]: وعاوزني أرأف بقاتل سفاح يحرق ابنه بالجاز ويولع فيه.

عم بيومي :[يصيح]: برىء.. وعهد الله برىء.. ده ابني هو اللي حرق نفسه.

رحمى :كذاب.. ده قاتل أثيم.. الأدلة تدمغه.. وابنه اتهمه قبل ما يموت.

الشرقاوى :ننادى على ابنه اللي مات ونسأله.

الحاجب :[ينادى]: أحمد بيومي.. أحمد بيومي.

[تنشق الأرض ويخرج ولد سنه ١٢ سنة]

الشرقاوى :تعال يا بنى.. احك لى.. إيه اللي حصل؟

أحمد :أنا اللي حرقت نفسي.. وقلت إن أبويا هو اللي حرقتي..
عشان كان بيضربني.. كان دايماً بيضربني [يبكى].

الشرقاوى :[إلى رحمى]: هيه.. إيه رأيك؟

رحمى :[فى صوتك باك] الولد هو اللي غير أقواله دلوقتي وأنا
ذنبي إيه.. وأنا أعمل إيه؟

كورس :يا سلام على العدالة يا سلام [يقلدونه] أنا أعمل إيه.. أنا
ذنبي إيه؟

الشرقاوى :وأنيسة العالة؟

رحمى :أنيسة العالة قتلت جوزها وهو نايم باعترافها فى

التحقيق.. قالت بلسانها إنها خنقته.. فيه إيه بعد كده؟

أنيسة

: [تلول بصوت مسرع]: والنبي يا سعادة البيه كنت ليلتها نائمة وملطوشة بالأفيون ما كنت عارفة بأعمل إيه.. واتهيا لى إن الراجل سابنى واتجوز على.. واتلبشت ما بقيت دارية بنفسى.

رحمى

: وما قلتش الكلام ده ليه فى التحقيق؟
: خفت.. قالولى الأفيون حاووديكي فى داهية.. حاتخدى فيه ٢٥ سنة سجن.. ولما فقت لنفسى مالمقتش للدنيا طعم من بعد المرحوم [تبكى] كان عندى أموت مشنوقة ولا أطلع براءة وأعيش بحرقتة.. كنت بحبه.

أنيسة

رحمى

: واحدة مغفلة.. حاعمل لها إيه؟! أنا ذنبى إيه؟

كورس

: [يقلدوه]: أنا حاعمل إيه.. أنا ذنبى إيه؟

الشرقاوى

: وعيلة أبو الغيط اللى شنقتهم بالجملة؟

رحمى

: ودول كمان حد يدافع عنهم.. أربع وحوش اتكاتروا على واحد وقطعوه عشرين حطة وحطوه فى شوال ورموه فى الساقية.. عاوزنا نعمل لهم إيه.. نديهم نيشان؟

[سالم ومحمود ورضوان أبو الغيط يتحدثون فى وقت واحد]

الثلاثة

: الحق لله اللى قتل هو سليم أبو الغيط.. ماحد منا مد إيده..

رحمى

: واعترفوا ليه معاه؟

الثلاثة

: إلا مالکش حق فى دى يا سعادة البيه.. كله إلا كده دا

احنا عيلة واحدة.. والتار تارنا والعار عارنا.. ومين
حاشيل الدم إلا أصحابه؟! وهيه عيبة هانتبرى منها.. دا
شرف كل واحد يتمنى يطوله.
عيلة أبو الغيط: عدم المؤاخذة يا بيه.. أصل سلو بلدنا كده..

رحمى :أما مجانين صحيح.
الشرقاوى :هيه.. إيه رأيك؟
رحمى :وأنا أعمل إيه.. أعمل إيه.. إذا كان كل واحد بيخبي
الحقيقة.

الشرقاوى :طيب وقضيتى أنا فضل الشرقاوى.
رحمى :ودى فيها إيه كمان قاتل ومعترف ومتلبس.. قتل مع سبق
الإصرار والترصد.. عايز تاخذ إيه.. جائزة نوبل؟
الشرقاوى :أيوه لكن قتلت مين؟

رحمى :ميشيل ماردىكيان صاحب شونة التسليف.. الراجل اللى
سلفك.

الشرقاوى :بالربا الفاحش.

رحمى :مفيش إثبات..

الشرقاوى :واحد أرضى..

رحمى :لسداد الدين المذكور أعلاه.

الشرقاوى :وقتل أولادى السبعة.

رحمى :بايه؟ بالتنويم المغناطيسى؟

كورس :بالجوع.. بالجوع يا بيه يا متعلم!

رحمى :دا سلاح غير وارد فى المادة ٢٣٤ عقوبات.
الشرقاوى :ده سلاح بيقتل مجتمعات بحالها يا حضرة القاضى
العظيم..

رحمى :أنا عايز وقائع.. حيشيات شهود.. اعترافات.. أحرار..
مش كلمة.. عاية.. زى الجوع.

الشرقاوى :الشهود كانوا قدامك.. فى كل مكان.. فى الحوارى
والغيطان عيونهم بتقولك كل حاجة.

رحمى :الشهود فى المحكمة قالوا لى إن ميشيل مارديكيان راجل
شريف.

الشرقاوى :كدا بين محترفين.. اشتراهم بالفلوس.
رحمى :وأنا ذنبى إيه.. وأنا حاعمل إيه إذا كان كل واحد
بيكذب.. وكل واحد بيغير أقواله؟

الشرقاوى :كل واحد فى الدنيا بيغير أقواله.. وكل واحد بيكذب..
وأنت بتكذب.

رحمى :يبقى مفيش فائدة.. يبقى ازاي حانوصل للعدالة؟
الشرقاوى :يبقى إيه لازمة الغرور.. ليه ندور القتل فى الناس؟
رحمى :لازم يكون فيه نظام.

الشرقاوى :الى عملته هو الفوضى.. منتهى الفوضى.
رحمى :جائز أكون أعدمّت عشرة خطأ.. لكن النظام استتب
نتيجة الخوف.

الشرقاوى :الى استتب هو الإجرام.. القتل الى أصبحت له
شركات زى حليات صراع الثيران.. الحروب العالمية
الى بيتقتل فيها الملايين تحت ستار الوطنية والشرف
والعدالة.

رحمى :وأنا مالى.. وأنا الى باعمل الحروب كمان.
الشرقاوى :الى يشعلها واحد زيك.. إنسان متبجح صفيق..
بيقول.. عدالة.. حق.. شرف.. نظام [وفى خشونة] مجرم
أثيم لا يكتفى بالإثم.. وإنما يتباهى به.. الخطايا تغتفر..
لكن ما لا يغتفر.. هو وقار الخطايا وعزة الآثام..
هالة الجلال الى ماشى بيها فوق راسك هيه دى الكدبة
الكبرى التى لا تغتفر.

رحمى :انتو ناس مجانين.. عايزين مجتمع من غير قضاة.. من
غير نظام.. من غير عدل.

الشرقاوى :إحنا عاوزين نظام تكون فيه الرحمة فوق العدل.

رحمى :طيب ما ترحمونى أنتو [يبكى] ما ترحمونى.. رحمتكم
اتسعت لكل المجرمين [يشاور إلى المجنى عليهم] القتلة دول
وضاقت بإنسان شريف مظلوم زىي..

الشرقاوى :مظلوم إزاي بقى؟! الأستاذ رحمى المستشار الخطير مائة
فدان فى المنوفية ووظيفة درجة أولى بالسلك القضائى..
دكتوراه من فرنسا.. وكلمة مسموعة وهالة من التقديس
والاحترام.. ومظلوم؟

رحمی : ده أنا عيان.. أنا مريض بالسکر.. والروماتزم.. وتصلب
الشرایین.. والزلال.. والنقرس والكبد.

کورس : [المحكمة تططق بالألسنة في أسف ساخر]: مسكين..
مسكين.. غلبان.

الشرقاوی : [في أسف ساخر]: لا.. لا بأس عليك.. وليه تهمل نفسك
كده؟! ليه ماترو حش لدكتور؟

رحمی : مفیش دكتور عارف يعالجنى.. كل دكتور يكشف على
يقول لى أنت موهوم بتتخيل أمراض مش موجودة.
[المحكمة مازالت تططق بألسنتها في أسف]

الشرقاوی : حرام.. وليه تتخيل كثير كده؟

کورس : أنت لازم واسع الخيال قوى.

رحمی : أنا إنسان مظلوم.

الشرقاوی : أنت مؤلف مظالم.. مخترع شكاوى.

رحمی : أعمل إيه.. أروح لمين؟

الشرقاوی : روح للمجلس الأعلى للاختراع.. سجل اختراعاتك

دى هناك.. حرام تضيع المواهب الخطيرة دى من غير
ما تستغلها.

رحمی : أنت بتتريق؟

الشرقاوی : أنا بنصحك لمصلحتك.

رحمی : مصلحتى؟! فيه حد فى الدنيا بيفكر فى مصلحتى؟

الشرقاوی : [يشاور على المجنى عليهم وعلى نفسه]: كلنا اتشنقنا من أجل

مصلحتك.. عشان ما يتقال عنك القاضى النزيه الحازم..

مش مكفيك احنا كلنا؟

:أنا كنت بأخدم العدالة.

رحمى

:أنت كنت بتخدم نفسك.

الشرقاوى

:أنا مظلوم.. ماحدث فاهمنى.. الكل خذلونى.. حتى

رحمى

أصدقائى خذلونى.. حتى أهلى خذلونى.

:أنت أول واحد خذلت نفسك.. الأمراض اللى بتفرى

جسمك هيه العقاب اللى أنزلته بنفسك.. أنت حكمت

على نفسك بالأحكام اللى حكمت بيها علينا.. الموت..

الموت ببطء..

: [يصرخ]: لا.. لا..

رحمى

:الموت ببطء فى الوهم والوسواس والخوف.

الشرقاوى

:الرحمة.. الرحمة..

رحمى

:اطلب الرحمة من نفسك.. أنت الجانى.. وأنت المجنى

الشرقاوى

عليه.

:مش معقول.. [يتحسس نفسه]

رحمى

:أنت ألد أعداء نفسك.

الشرقاوى

:مش معقول.. ده كابوس.. أنا عايش فى كابوس.. أنتو

رحمى

أشباح.. أرواح شريرة كلكم أبالسة شياطين.. أرواح

نجسة.. أرواح مجرمين محكوم عليهم بالإعدام وبالخلود

فى جهنم إلى الأبد.

- كورس : [ساخرًا]: وأنت معانا في الخلود بتاعنا.
- رحمى : [يصرخ]: أنا مش معاكو.
- الشرقاوى : حاتروح فين منّا.. أنت استقلت خلاص ملكش غيرنا..
المحكمة اتقفلت في وشك.. وبيتك اتخرب حاتروح لمن؟
- رحمى : [يتلفت حوله]: حاروح لأمى.
- الموجودون : [يرددون في صوت كئيب]: إنا لله وإنا إليه راجعون.
- الشرقاوى : [في حزن]: أمك توفيت إلى رحمة الله.. البقية في حياتك.
- رحمى : [يعوى من البكاء وينهار في القفص]: أمى.. [ينادى بصوت معول]: أمى.. أمى..
[سكون تام - لا أحد يرد]
- الشرقاوى : الله يرحمها.
- رحمى : أمى [يبكى] ألاقىكى فين يا أمى؟
- الشرقاوى : مش حاتلاقيها خلاص.. راحت العالم الثانى
- رحمى : [يتجول ناظرًا حوله]: كوثر.. [يتلفت حوله باحثًا] كوثر..
سبتينى ليه يا كوثر.. خنتينى ليه يا كوثر.. حاموت من غير ما أشوفك.. حاموت من غير ما أقول لك.. أحبك..
طول عمرى كان نفسى أقول لك باحبك.
- الشرقاوى : وما قلتش ليه؟
- رحمى : [يهز رأسه في حيرة].
- الشرقاوى : [سائلًا]: كبير؟؟

أصوات متعددة: مهم؟؟ عظيم؟؟ وقور؟؟ عاقل؟؟ أكبر من الحب؟؟

رحمى : لا أبدا.. أصغر من الحب..

الشرقاوى : أصغر بكثير.. يدوبك على قد الكراهية.

رحمى : [يتلفت باحثاً مستنجداً] كوثر.. كوثر.

[تظهر كوثر فى دائرة من الضوء]

كوثر : أنت قتلت كوثر.

رحمى : قتلت نفسى.

كوثر : أنا واحدة من ضحاياك محكوم عليها بالإعدام من غير

بنود ومن غير مواد فى دستور العقوبات قتلتى بالإهمال

بالشك بالغيرة.. خنقتنى بحبل العقل والوقار والمنطق.

رحمى : أنا «قاضى».. أنا المنطق.. لو تحيزت بعواطفى لإنسان

حابقى أسوأ «قاضى» فى الوجود.. حابقى الإنسان

الضعيف.

كوثر : الإنسان الضعيف هو الإنسان الحقيقى.. هو إنسان

الحب.

رحمى : كوثر..

كوثر : أنا مش كوثر.. كوثر انتهت.. أنت قتلتها بإيديك من

زمان.

الشرقاوى : وهذه هى الجريمة ١٨ فى ملف المتهم.. ١٨ جريمة قتل..

إيه رأيك؟

رحمی : أنا مش فاهم حاجة.

الشرقاوى : أفكر دى قضية واضحة لا تحتاج إلى فهم.. بص حواليك تلاقى كل ضحاياك.. كل جريمة من جرايمك بتتكلم.. كل فعل من أفعالك يسعى على قدميه.

رحمی : [فى ضعف واستسلام]: كفاية.. اللى عايزين تعملوه اعملوه.. عاقبوني وخلصوني.. ماعادش لى حاجة أبكى عليها.. كل اللى كنت باجرى وراه كان كذب فى كذب.. كل الناس كذايين.. ماحدش فاهم حاجة.. الدنيا اللى عشتها بتفكرنى بالروايات البايخة اللى كنا بنروحها زمان واحنا عيال.. ونطلع نسقف ونقول.. سيما أونطه هاتوا فلوسنا.. أنا كما عاوز أرجع التذاكر وآخذ فلوسى.. خلاص.. هاتوا فلوسى.. عاوز أطلع.

الشرقاوى : [يضحك]: تطلع فىن؟

رحمی : عاوز أطلع بره.

الشرقاوى : [يضحك]: بره فىن؟! مفيش بره.

رحمی : بره الأكاذيب دى..

الشرقاوى : بره الأكاذيب دى فيه أكاذيب تانية.. كل العالم اللى أنت فيه أكاذيب.. تطلع من كذبة تلاقى كذبة [يضحك] أنت عارف أنت فىن.. أنت فى جهنم.. دى [يشير إلى ما حوله] اسمها جهنم.. واحنا زبانية جهنم.. حانعيش طول عمرنا كده مع بعض نطلعك من كذبة ندخلك فى كذبة..

نعذب فيك.. وتعذب فينا إلى ما لا نهاية.. إلى الأبد.

رحمى : [في رعب]: مش معقول.. مش معقول.

الشرقاوى : أبدا.. هي دي الحقيقة..

رحمى : طيب وفين النار؟

الشرقاوى : النار في قلوبنا [يشاور على قلبه].. جوه..

رحمى : أعوذ بالله.

الشرقاوى : وأنت مقضى عليك بالحياة زى طور الساقية اللى متغمية عينيه.

رحمى : وفين المذنبين التانيين؟! هو مفيش حد مذنب في الدنيا

غيرى؟! فين توفيق؟ فين مراقي اللى خانتني؟ فين

الناس اللى كذبوا على؟ فين الناس اللى غرروا بي؟

الشرقاوى : ده سجن انفرادى.

رحمى : ومفيش محاكمة.. مفيش حساب.

الشرقاوى : طول الوقت محاكمة.. حياتك كلها محاكمة.. جلسة

معقودة طوالى.. استجواب لا نهائى.. طول عمرنا

حانقعد نحاكم فيك.. احنا ورانا إيه!!

رحمى : محاكمة من غير حكم.. مفيش نهاية.. مفيش حكم..؟

الشرقاوى : جايز يكون فيه حكم.. وجايز مايكونش فيه حكم..

ماحدث يعرف..

رحمى : مفيش أمل؟!

الشرقاوى : الأمل دي كلمة شاعرية.. مالهاش معنى في قواميس

الواقع الى عندنا..

رحمى :[يصرخ]: واتظلم لمن؟! فهموني؟

الشرقاوى :اتظلم لنا برضه.. مفيش هيئة غيرنا.

رحمى :وفيه نتيجة للتظلم؟

الشرقاوى :جايز يكون فيه نتيجة.. وجايز ما يكونش فيه نتيجة..

ماحدش يعرف؟!

رحمى :[يصرخ]: مش معقول.. انتو عايزين تجننوني.. [يبكى].

[هيئة المحكمة تططق بالسنتها فى أسف]

الشرقاوى :لا.. لا.. عيب الكلام ده.. أنت راجل كبير.. مستشار

عظيم قد الدنيا.. قانونى عبقرى.. لا.. لا..

[المحكمة تططق بالسنتها فى أسف.. وتردد فى وقت واحد]

وده برضه كلام.. واحد زيك يعيط؟! خلّيت إيه للعيال..

كويس كده الناس الى شنقتهم بيتفرجوا عليك..

يقولوا عليك إيه؟*

[صوت مَدَو يُسَمَع من خارج المسرح]

البوسطجى: تقرير الطبيب الشرعى وصل.

[رحمى ينتفض واقفاً فى قفصه ويضىء وجهه بالأمل.. ويبدو عليه

التوتر والخوف.. والفضول.. واللهفة.. وهيئة المحكمة تعتدل فى

أماكنها.. وتمتد أيديها نحو التقرير المجهول.. يدخل رجل فى زى

«بوسطجى» يحمل رسالة.. يتقدم بها إلى الشرقاوى.. الرسالة

عبارة عن لفافة طويلة من جلد الغزال - تشبه الرسائل التى كان

يتبادلها السلاطين والخلفاء في غابر الأزمان.. الشرقاوى يفض
اللفافة - اللفافة طويلة جدًا - تتدلى على الأرض.. يمد الجميع
أبصارهم ليقرواها.. كل واحد يمسك بمطلع منها.. كلهم يقرأون في
صوت واحد.. بصوت فيه رهبة]

- اتضح بالكشف الدقيق على المتهم رحى سعودى أنه
مجنون جنوناً مطبقاً.. وغير مسئول عن أفعاله.
[تبدو الحيرة وعدم التصديق على الوجوه.. يعودون إلى القراءة من
جديد بنغمة أخرى]

- اتضح من الكشف الدقيق على المتهم رحى
سعودى.. أنه مجنون جنوناً مطبقاً.. وغير مسئول عن
أفعاله.

الشرقاوى : [يهز رأسه في إشفاق] : مسكين !

[صدى صوت كلمته يتردد على الشفاه.. وفي ميكروفونات مركبة
في أماكن مختلفة]

- مسكين.. مسكين !

[يلف اللفافة من جديد ببطء ويربطها بالرباط الحرير.. هممة ولغظ
في المحكمة يرتفع رويداً رويداً حتى يصبح ضجة.. وجه رحى أصفر
شاحب، ولكنه يبتسم ابتسامة مرتجفة]

الشرقاوى : بناء على تقرير الطبيب الشرعى وحيث إنه ثبت جنون
المتهم المطبق وعدم مسئوليته عن أفعاله.. نحكم بما هو
آت.. براءة المتهم من الجرائم المنسوبة إليه.. والإفراج

عنه.. وإطلاق سراحه فوراً.

[لغط وهممة حتى تصبح ضجة.. إشارات استنكار.. وصيحات

احتجاج.. المجنى عليهم يدقون الأرض بأرجلهم]

الشرقاوى : [يدق بشاكوشه]: وعلى حارس المحكمة أن يسلمه إلى أهله.

الحارس : [يفتح القفص ويسحب رجمى من يده إلى الخارج]:

المتهم ملوش أهل يا أفندم.

الشرقاوى : إذن يُسلم إلى ضميره.

[موسيقى تأثيرية عنيفة تعزف فيها كل الآلات في وقت واحد..

أصوات كالعاصفة.. ثم تختفى المحكمة دفعة واحدة، ويختفى

الموجودون جميعهم وتبتلعهم الأرض.. لا أحد يبقى سوى رجمى..

واقفا وحده في غرفة المكتب الواسعة التي يعمل بها في نور

الأباجورة المظلل الخافت.. مازال صدى الصوت يتردد في

ميكروفونات متعددة.. وبنغمات مختلفة]

صدى صوت خافت: يسلم إلى ضميره.

رجمى : مستحيل.. مستحيل.. أنا اتعذبت كفاية.

الصوت : [في همس]: يسلم إلى ضميره.

رجمى : مستحيل.

الصوت : [في همس خفيض]: يسلم إلى ضميره.

رجمى : مش ممكن أسلم نفسى لحد.

[يتلفت حوله.. يتجول باحثاً عن مخرج]

وحاروح فين؟

[يتلفت في جزع باحثاً في ركن]

حا أهرب إزاي؟

الصوت :يسلم إلى ضميره.

[رحمى ذراعاه مفتوحتان في حيرة لا حد لها.. يتحسس الجدران
بيديه باحثاً عن منفذ.. يحرك أكرة الباب ولكن الباب لا يفتح
وكل الأبواب لا تفتح.. تتسع عيناه من الذعر.. يخط بيديه على
كل سكان في الجدار.. يحيط على الأبواب.. (الهمس يرتفع فيصبح
خشنا].

يسلم إلى ضميره.. يسلم إلى ضميره..

رحمى :[يدق بجماع قبضته على الجدران]: الباب.. الباب.. فين
الباب؟

الصوت :يسلم إلى ضميره.

[صدى غليظ فظيع يرج المسرح.. رحمى ينهار باسطة ذراعيه في
استسلام.. تفتح نافذة في الغرفة.. يبدو منها وجه الأم غارقاً في
الضوء.. وجهها شاب.. لقد عادت إلى شبابها]

: [في حنان]: مالك يا بني؟

: أنت فين يا أمي؟! قالو لي إنك مُتَّ يا أمي.

: مفيش حد ييموت يا بني.

: لكن أنت رجعتي شابة يا أمي.

: القلوب الطيبة ماتعرفش الشيخوخة.. الشيخوخة في

- الدنيا بس.. لكن هنا مفيش شيخوخة.
- رحمى :لكن أنت معانا فى الدنيا.. أنت بتتكلمى من الدنيا
يا أمى؟
- الأم :أنا مش فى الدنيا.. أنا انتقلت.
- رحمى :يبقى هم ما كدبوش على.. تبقى أنت ميتة..
- الأم :الموت ملوش وجود.. احنا بنغير العنوان.. كل اللى
بيحصل إن احنا بنغير العنوان.
- رحمى :لكن الدنيا اللى أنت فيها جميلة يا أمى.. كلها نور..
نفسى أجي عندك.
- الأم :تعال يا بنى..
- رحمى :أجى إزاي والأبواب كلها مقفولة على.. أنا مسجون.
- الأم :أنت اللى قفلت على نفسك.. أنت اللى سجنت نفسك ..
ربنا بيساع فى رحمته كل الناس.. لكن أنت اللى حرمت
نفسك من رحمة الله.. قفلت عقلك مش عايز تصدق..
قفلت قلبك مش عايز تحب.. خنقت عواطفك مش عايز
ترحم.. مش عايز تأمن بأى حاجة.. أنت اللى بنيت
حوالك الجدران دى كلها.
- رحمى :[يخبط فى الجدران]: مش معقول يا أمى.. انت بتضحكى
عليه.. أنت فاكرانى لسه طفل صغير.. أنت ميتة يا أمى..
وبتضحكى على.
- الأم :مفيش موت يا بنى.

- رحمى
الأم
:حأ أزورك فى القرافة.. كل الميتين هناك.
:مش حاتلاقينى.. حاتلاقى مجرد جسم.. مجرد تراب..
ورقة غياب.
- رحمى
: [يصرخ]: يعنى إيه؟! يعنى احنا مش حانموت أبدًا.. يعنى
مفيش نهاية؟
- الأم
رحمى
: [فى هدوء]: مفيش نهاية..
: [يستدير فى يأس يواجه الصالة ويصيح بصوت جهورى]:
سامعين.. يعنى.. مفيش نهاية [ينهار تمامًا].

صدر للمؤلف

- | | |
|-----------------------------|---------------------------------|
| ١ - الله والإنسان | ٢٣ - الغابة |
| ٢ - أكل عيش | ٢٤ - مغامرة في الصحراء |
| ٣ - عنبر ٧ | ٢٥ - المدينة (أو حكاية مسافر) |
| ٤ - شلة الأنس | ٢٦ - اعترفوا لي |
| ٥ - رائحة الدم | ٢٧ - ٥٥ مشكلة حب |
| ٦ - إبليس | ٢٨ - اعترافات عشاق |
| ٧ - لغز الموت | ٢٩ - القرآن محاولة لفهم عصرى |
| ٨ - لغز الحياة | ٣٠ - رحلتى من الشك إلى الإيمان |
| ٩ - الأحلام | ٣١ - الطريق إلى الكعبة |
| ١٠ - أينشتين والنسبية | ٣٢ - الله |
| ١١ - فى الحب والحياة | ٣٣ - التوراة |
| ١٢ - يوميات نص الليل | ٣٤ - الشيطان يحكم |
| ١٣ - المستحيل | ٣٥ - رأيت الله |
| ١٤ - الأفيون .. (سيناريو) | ٣٦ - الروح والجسد |
| ١٥ - العنكبوت | ٣٧ - حوار مع صديقى الملحد |
| ١٦ - الخروج من التابوت | ٣٨ - الماركسية والإسلام |
| ١٧ - رجل تحت الصفر | ٣٩ - محمد |
| ١٨ - الإسكندر الأكبر | ٤٠ - السر الأعظم |
| ١٩ - الزلزال | ٤١ - الطوفان |
| ٢٠ - الإنسان والظل | ٤٢ - الأفيون .. (رواية) |
| ٢١ - غوما | ٤٣ - الوجود والعدم |
| ٢٢ - الشيطان يسكن فى بيتنا | ٤٤ - من أسرار القرآن |

- ٤٥- لماذا رفضت الماركسية
 ٤٦- نقطة الغليان
 ٤٧- عصر القروء
 ٤٨- القرآن كائن حتى
 ٤٩- أكذوبة اليسار الإسلامى
 ٥٠- نار تحت الرماد
 ٥١- المسيح الدجال
 ٥٢- أناشيد الإثم والبراءة
 ٥٣- جهنم الصفري
- ٥٤- من أمريكا إلى الشاطئ الآخر
 ٥٥- أيها السادة اخلعوا الأقنعة
 ٥٦- الإسلام ... ما هو ؟
 ٥٧- هل هو عصر الجنون ؟
 ٥٨- وبدأ العد المتنازلى
 ٥٩- حقيقة البهائية
 ٦٠- السؤال الحائر
 ٦١- سقوط اليسار

* مجموعة المؤلفات الكاملة *

صدرت في بيروت عام ١٩٧٢	قصص مصطفى محمود
صدرت في بيروت عام ١٩٧٢	روايات مصطفى محمود
صدرت في بيروت عام ١٩٧٢	مسرحيات مصطفى محمود
صدرت في بيروت عام ١٩٧٢	رحلات مصطفى محمود
حازت رواية « رجل تحت الصفر » على جائزة الدولة لعام ١٩٧٠	

١٩٩٢ / ٧٣٠٠	رقم الإيداع
ISBN 977-02-3786-8	الترقيم الدولى

١ / ٩٢ / ٢١٩

طبع بمطابع دار المعارف (ج.م.ع.)



تحرص دار المعارف دائماً على تقديم الأعمال
الكاملة لكبار المفكرين والأدباء. والدكتور مصطفى
محمود واحد من هؤلاء الذين أخلصوا للقلم.. فأثرى
ساحة الفكر والعلم.. وطرق أبواباً جديدة لم تفتح من
قبل.. فتنوع إنتاجه بين القصة والرواية والمسرحية
وأدب الرحلات.. إلى جانب تلك المؤلفات التي تحفل
بالنظرات المعاصرة للفكر الديني والمقارنة بالنظرات
العلمية الحديثة.. والتي لاتزال تثير مزيداً من الجدل
المفيد.

وقد امتد تأثير فكر الدكتور مصطفى محمود إلى
القراء العرب من الخليج إلى المحيط كما ترجمت بعض
أعماله إلى اللغات الأجنبية شاهدة بقدرته على العطاء
المتميز المتنوع.